

皇明從信錄

皇明從信錄卷之三十三

秀水沈國元訂

穆宗莊皇帝

丁卯

隆慶元年

正月、上大行皇帝尊謚曰欽天履道、英毅聖神、宣文廣武、
洪仁大孝肅皇帝、廟號世宗、孝潔曰恭懿慈肅、安莊相天、
翊聖肅皇后、孝烈曰端順敏惠恭誠祇天衛聖、肅皇后○
冊陳氏爲皇后、李氏爲貴妃、○吏部奏先朝建言執事
諸臣、如樊深、丘機、楊思忠、尹相、魏良弼、李用敬、陳瓚、吳時
用、周怡、沈東、顧存仁、趙軌、張選、袁世榮、何惟栢、趙錦、張登

高黃正色、方新、張楨、凌儒、申仲、王時舉、馮思、徐學詩、周是、
張翀、董傳策、劉世龍、唐樞、毋德純等宜遵詔錄用。又言諸
臣以建言歿者其等有三、戮歿者應復職、贈蔭、論祭若楊
繼盛、郭希顏、沈鍊、楊允繩四人、廷杖死者應復職、贈蔭、若
楊勗、王思、薛宇、鎧、何光祿、張紹、張原、浦鉉、曾翀、葉經、周天
佐、伍瑜、臧應奎十三人、繫獄戍邊斥歿下者應復職、贈
官、若唐胄、李瑄、豐熙、楊慎、楊名、王元正、羅洪先、徐文華、張
翀、張侃、劉濟、劉琦、馬錄、程啓元、盧瓊、陳讓、桑喬、包節、王宗
茂、余翔、方一枝、劉魁、余寬、黃待顯、陶滋、相世方、王與齡、章
鎰三十八人、至尚書熊浹、諫止箕仙、御史楊爵、彈擊權倖、

雖罪止罷黜然其忠義風節當與杖死者一體卹錄俱從之○大學士陳以勤上謹始十事曰定志曰保位曰畏天曰法祖曰愛民曰崇儉曰攬權曰用人曰接下曰聽言上嘉納之○詔下方士王金等獄論死○刑部侍郎鄧懋卿戍邊○詔削奪故真人邵元節陶仲文官爵誥命○議盡毀修建齋醮宮殿禮部惜其費請止去扁額從之○吏科給事胡應嘉疏太祖之制躬臨聽納列聖相仍弗替英宗以冲年未能面決輔臣楊榮權創早朝奏事例定期擬答進御臨朝據以傳旨遂沿爲故事惟孝宗接見延訪治道斯隆今章奏僅憑札牘上下竟爾睽違左右極

陳百弊滋興不可不防其漸也。奏入。上大怒。編氓等請
補外。○上孝慈皇后尊諡曰孝恪淵純慈懿恭順贊天冊
聖。皇太后弟杜繼宗爲慶都伯祿一千石。○初七日傳
示免朝十五日復示科臣魏時亮言。皇上初政甫及一
旬。免朝至再。得非獻諛者。以。先帝爲詞乎。先帝初年
日御經筵親賢納諫二十載無倦。晚歲雖云不朝而明于
親輔臣剛于制近習斷于去奸邪。故羣小畏法庶政不素
奈何以初政而遽怠乎。奏留中。○禮部尚書高儀請冊立
皇太子。上諭皇子尚幼先賜名而後冊立。○初胡應嘉
在先朝論學士高拱曲庇鄒里拱頗銜之及吏部考察

胡應嘉劾尚書楊博以私憤謫給事中鄭欽御史胡維新
亦上疏劾博考察不公狀大學士徐階郭朴與拱謂應嘉
黨護同官挾私妄奏擬旨黜之于是給事中歐陽一敬因
論救應嘉語侵拱謂應嘉前疏臣實與謀臣才識又不及
應嘉遠甚若黜應嘉不若黜臣章下所司是日給事中辛
自修御史陳聯芳俱交章論救乃改擬應嘉調用○追贈
王守仁爲新建伯謚文成周尚文爲太傅謚武襄蔣冕爲
少師謚文定喬宇爲少傅謚莊簡江俊爲少保謚文莊呂
柟爲禮部尚書謚文簡石琚爲少保昔謚文隱今改文介
○追奪尚書顧可學徐可成侍郎朱隆禧郭文英贈謚諡

命

三月誥贈刑部尚書鄭曉爲太子少保謚端簡○革大工
冒濫諸臣時徐杲等以匠役冒躐八座而內府工役以工
完爲太僕苑馬者二人布政司叅議郎中員外者五人鴻
臚光祿官以百數上心惡之至是又以內官監李芳言
之乃下吏部議革一時冗員少汰

三月內官李芳言上林苑監內官各有定秩請革妄增祇
候皂隸從之著爲令○給事中王治上四事一議廟典二
議朝講三議親輔四議燕居謂先帝尊稱獻皇誠萬世
不刊之典至入廟稱宗一事在今日尤當議者蓋獻帝雖

貴爲天子父、實未嘗南而臨天下、雖爲武宗叔、然嘗北面
事武宗、乃遂列于諸帝、而居武宗之右、或獻皇于心亦有
未安。先帝進獻皇于太廟、而世室之祀並舉之。聖慮
淵微以待今日、臣以爲獻皇祔太廟千載後不免遙遷、若
祀專世廟、則萬世不祧矣。乞勅廷臣議以光先帝至孝。
末謂人主深居禁掖、隔遠外廷、左右窺伺百出、或以晏飲
聲樂、或以游戲騎射、近則損疲精神、久則妨亂政事、非亮
陰所宜、乞省減嗜慾一切禁止。

按治以同第士朱德懋性鯁直、每師事之、懋于京邸謂
曰、君位列諫垣、獻皇以臣子稽君、今上以亮陰懋
疾、廟祀君身、厥係鉅矣、未可以言與。
治默然良久、即令代草疏上、竟不報。

葬肅皇帝于永陵

四月重錄永樂大典書成加徐階等官階有差○修世宗皇帝實錄以張居正陳以勤高拱充總裁官

五月御史齊康論徐階專權蠹國併劾李春芳聲勢相倚有旨切責康妄言科道陳瓚歐陽一敬凌儒等交章劾康爲高拱門生聽其指授宜置之法寺丞海瑞復言徐階憂勤國事休休有容康乃甘心鷹犬搏噬善類詔降康二級補外○尚書高儀等疏言我朝列聖接見輔臣燕對同遊造膝陳悃皇上御門條奏漸復舊規而朝著尊嚴情禮不洽乞時召大臣各奏章疏便殿而議納之

六月、賜楊廷和謚文忠、王廷相謚肅敏、梁材謚端肅、曾銑謚忠愍、楊守謙謚恪愍、商大節謚端愍、孫繼魯謚清愍、林俊謚貞肅、吳廷舉謚清惠。

七月、賜楊繼盛謚忠愍、子應尾爲國子生。○原任山東副使王世貞上書訟父忤寬、詔復忤原職。○裁革內府各監局官匠六百六十二員。○太常少卿周怡疏定君志以修德業、語多刺時。上怒、落級外補。○傳諭聖駕十二日幸藩邸、高儀以趣幸無名、恐開逸游之端、疏請停止。科臣何起鳴、王好善各疏諫、不從。

八月、給事中吳時來言兩廣總督譚綸、總兵俞大猷、戚繼

德順殿
號為太監
包覽多矣

光宣使專練邊兵以省諸鎮徵調兵部覆言大猷才宜于
南嘗試于北不效且老矣乃召才還京○上幸太學賜餼
臣宴鈔錠有差○耿定向請南畿鄉試太學生去血字號
太學諸生因中式不及額遮典試王希烈孫鋌道殿之祭
酒呂調陽及兩守備臺省各奏論諸生互有異同喧譁難
辨詔刑部尚書孫植鞠之植謂祭酒專職即所奏姓名命
同者坐戌後復編號如初上欲詣天壽山行秋祭禮徐
階言天壽山後即黃花鎮外卽虜地邊報東虜上蠻等欲
犯喜峯口西虜把都兒欲犯古北口奈何輕試于危上
乃止○遣武英殿大學士陳以勤祭先師孔子

九月上問戶部曰京帑貯金幾何以贍軍國足備幾年部
覆言京帑所存僅足三月計今歲尚虧九月有餘遣軍百
萬悉無所需上大駭曰軍儲缺乏至此乎朕一切正供
之外未嘗妄費卿其悉心經理毋忽○罷提督團營內使
徐階等疏團營起于景泰至嘉靖庚戌虜薄都城戎務大
壞乃革營法撤內臣事權歸一數年來漸有成效請勿遣
內臣輕發先帝之法從之

十月虜寇薊州殺叅將吳昂○黃台軍寇偏頭關上怒
命逮緊鎮巡劉燾王之誥副叅田世威等訊治命閣部與
文武臣寮商禦虜策以聞給事中馮成能從新河來相度

南北地勢條陳上中下流三患請爲未然之防令諸臣熟計以聞○本兵楊博上邊議

畧曰：狂胡匪茹，分道憑陵。東犯薊鎮，則九重震驚；西犯偏關，則三省駭動。今按各邊地勢，既殊，戰守互異。薊州昌平，保定三鎮，有堵可恃，但乘高據險，匹馬不入，即爲上策。宣大遼東，山西四鎮，無堵可守，雖保不入，但堅壁清野，使虜無所獲，卽爲中策。薊昌合聽督臣修補邊垣，分兵戡守，宣府山南東路，咫尺昌平，四海邊至道，入達嶺，皆賊徑所由，宜統重兵，截南山，以衛陵寢。舊門寧武，偏頭均山西門戶，離寧外倚大同，而偏頭西連延綏，獨當邊衝，遼長八百餘里，兵不滿萬，故自臣議撤兵，延綏止令署中相機戡守，保鎮紫泥，倒馬，黑泉，鎮房，天冷，蔽以宣大，必值虜南窺，洪溝，然後乘邊，守大同，外與虜鄰，先年總兵梁震，濬河，同虜入寇，被令勦兵，掠巢，誘其之，今用此，可以禦虜，遼東一鎮，濱海，鄰夷，中道一線之路，兵食咸仰本鎮，地腴收食，惟聖差豐積，足以稱雄矣。

召戚繼光入京協理戎政○逮原任宣大總督楊順于獄

旌旗

同一死耳
芳魂有歸

嘉靖中錦衣經歷沈鍊上疏請誅嚴嵩請保安州為民
黃沙風雨夜冤冤多少見頭顱之功鍊為詩刺之有自草
路錯謠以交通妖賊竟坐鍊死後嚴氏敗鍊子以遺部
獲卸至是史科給事中陳瓚追論侵壓賑銀及造餉銀
七千兩路楷共殺鍊鍊子襄亦為父訟冤
題命逮順及楷勒治坐交結近侍律斬

十一月詔贈先朝員外中良給事中張達常泰清紀郎周
鉄惟少卿馬從謙以劾中官杜泰得死故多撓之者卹典
遂不行

十二月鄭王厚烷以嘉靖中諫事玄削爵錮高墳至是復
國歲加四百石○詔賜侍郎何瑋謚文定傅潮朱廷立俱
追奪原職

全以至清
實理相成
動故從之
易易

王都諫每聞朝政缺失即中夜籌畫具奏如議立
皇世廟諫止亮除逆讓誠謹論矣至是言何瑋理學
純臣夏言曾錢寬抑宜雪且以暇煉之罪歸之傅潮
未廷立朝廷立退故職慰忠寬諫好惠時論快之
戊辰隆慶二年

正月享 太廟

先是上巳命成國公朱希忠代禮官請上親祭不
允于是太學上徐階等上疏言祭祀國家大典春祭四
時首禮皇上必躬奉裸將而後為孝為敬祖宗列
聖亦必得皇上之躬親對越而後來格來歆且自宮
至廟其路不遠缺奠有數其禮不繁夫以宗廟之重
雖勞且不當避况非其勞者乎請聖上親詣太廟
行之

詔停正乙真人封號奪其印止以裔孫張國祥為上清觀
提點鑄給提點印○以趙貞吉為講官時吉起廢年六十

身不奇

餘歲甚壯。議論侃侃。輔臣薦可大用。上心屬焉。及遷南京。禮部尚書。以吏部右侍郎林燦代。一日。上手詔諭輔臣。謂燦南京用。而召貞吉還。為講官。添註詹事府。○太監李芳請裁損近年所加白熟細梗米四千五百石。青鹽三萬斤。允之。○永樂時尚膳監有羊房。景泰中移之西琉璃廠。牧地十三頃。司牧官吏軍士歲費數千金。光祿請以羊入本司。而裁其冗員。太監孟冲爭之。上從冲言。○科臣石星上圖政理以慰人心疏。曰。養聖躬。鰲山之樂。長夜之飲。不可不節。曰。勤聖學。經筵久輟。屢請未復。曰。勤視朝。以周知民隱。總理萬幾。曰。速俞允言。涉聖躬者。留中不下事。

友也二字
略略未少

于內廷者稽遲不允甚且因而獲戾矣軍機處情呼吸立
變而驟至違期臣願不時進覽曰廣聽納周怡一觸忌諱
而請外陸鳳儀偶遺 聖旨而削籍乞召二臣以延忠直
曰察議諸頃緣近臣專擅言官攻發切齒中傷諧以欺謾
陛下得無入其言而不暇察乎疏入 上怒命廷杖削籍
上御五鳳樓潛察杖者而中朝閣吏戒毋納給事從人邵
郎穆文熙星友也恐遂以杖斃乃先以義白綈帥而身自
掖蔽星閣人共嘗之文熙且嘗且掖以出得不死王嘉賓
疏救不報

史大綸曰自市道交與而下穿石溺死灰者遍天下矣
穆君其古烈士乎是時如王世貞徐中行之于陽繼盛

得其人功
大節保身
不可不為
則有

三得發于表文禁法明臣于胡宗憲朱察卿于楚
文華雖得失五異要皆誠心為質不欺死友者

二月上耕籍田○大祀天地于南郊○張居正張鹵各疏
請勅司禮監選各監局人員操持公正通詩書諸大體者
居○太子左右口授書史陳說民情以為親賢成德之助
從之○上謁陵

三月册立皇太子一日太子遇閣臣于御道西召謂曰
先生良苦劬養輔臣頓首謝曰願殿下勤學答曰方讀
三字經既而曰先生且休矣○膚音清朗聽者悚悅○殿
試進士賜羅萬貫等及第出身有差

按是科得士如趙志皋張位沈一貫皆以正直作體新
張居正侯事平旋登台輔王家屏為內閣有介直聲孫

事通鑑
文選
通鑑
文選
之
所

孔教余慈學沈思孝陳華皆忤居正為時名臣徐大任
劉應熊廉介嚴底賴渠才恬退無官而李維祺劉紹祖
方汝省工詩文而李以忤居正謫外尤為士林所重
元羅萬貢辭行大雅至宗伯而閣臣陳于陞故內閣以
勤于也二世殿
學人皆受之

尚書馬森言 祖宗時御批皆司禮監傳之閣臣轉示各
部院無司禮監徑傳者望 陛下率由舊章以示崇重命
令之意

五月陝西民李良雨忽變為婦人與同賈者苟合為夫婦
其弟良雲以事上所司奏聞○薊遼保定總督譚綸條奏
房策

疏言今之策房者皆曰乘隙日設險然計薊遼十區之
地東西二千餘里見卒不滿十萬而老弱且半又分隸

予諸將之手散布二千餘里之間虜以十餘萬衆攻
我一面而衆寡強弱遠不相謀欲虜勢不張不可得也故
謀者亟請練兵意亦慮此然臣以爲遊兵破虜誠爲制
禦長策而行之有四難一曰虜之長技在騎而我制之
非車不可顧虜人動十餘里而吾即以車戰不過三萬
且止三萬人非有見伍勢不得不召募召募之兵與尺
籍之兵異尺籍之兵無論老少強弱隸屬豐給優恤備
至召募之兵非強壯不選既無素養之恩及有疾病又
無歸老之計非稍優之必不樂從計三萬人宜各月給
銀一兩五錢歲費五十萬而司農告廣一擊也二曰
燕趙之士雖多慷慨自備胡以來銳氣盡矣非募吳越
卒萬二千人裨教之事必無成而時方疑其用之不可
北散之不可南是以臣與繼光不可信也尙能任之專
責二難也燕趙之人素驕驟見軍法不無大駭且去京
師甚近流言易生徒今忠智之士掣肘廢功且難色患
三難也我兵素未富虜蹙而勝之虜不心服能再破之
乃終身創矣第慮忌嫉易生不能戮力再舉奇禍或至
四難也臣無思之不如姑就前鎮見兵詳求戰守之機
臣請各路選兵十枝每枝務足三千人可得兵三萬人
列爲三營營分爲三軍各加訓練專備禦仍什原

光以督理練兵官之職督率秋兩防三營之兵各盡
其長臣與驥先往來督賜務各員增以戰過之邊朱
上策萬一乘機潰入亦願少追罪誅臣等次一死職
乘擒之功亦不失爲中策若先事不能禦後事不
掩取微功苟圖塞責是爲無策又言中國長技無如
器欲練兵三萬人必得鳥銃千三千人爲衝鋒而
練習非遲之一年不可今防秋期近請選
取浙兵三千人以濟一時之急上從之

六月王時舉王之垣各疏乞正位中宮以端治本。上曰：后侍朕久無子多病移居別宮以暢意耳。汝不知內庭事妄言耶。乃復言。皇后乃先帝選擇以遺。陛下有隱離之德。樛木之賢。脫簪待巷之規。使聖后抑鬱成疾。已爲不可。乃云別宮暢意。豈有夫婦睽違而暢者乎。上曰：待疾愈卽還宮。無多言。

五十年如
一日更爲
解耳

海寧人董涓妻虞氏少慧知書頗善吟咏年十六歸董而

兩月而涓卒痛絕欲死以殉家中防護父母欲奪志女不

聽吟菊竹二詩以見志刻夫像故事之五十餘卒人多其

節○科臣張齊劾徐階上以先帝修玄保養聖躬齊驟

爲欽福錫民階大臣不容不竭誠輔相乃溫言留階切責

張齊降調外任已而楊博等復疏劾齊隨致仕朝廷有朋

黨之疑階再疏乞休尋許致仕刑部尚書毛澄竟坐齊得

受遣商銀十餘萬引例滿成監候追贖發遣

論曰徐階當國之時輔佐世宗英明一掃前相嚴嵩

妻弊通絕中外奔競穢習仕階後清紀綱後壞一時世

道休明之會士君子如孫原其枉直委曲之誠無庸過

論可也然其贊言拜隆雖與王旦受金珠隱天書之條

諸公事始
終明旨諸
人休棄不
能轉所

迥不相從若以責備賢相全德論之則階亦引咎不辭者也安見於宰相者便當以無嫌階亦引咎不辭也階本不朝奏保而亦不欲已其言自恐阻言階部院諸公乃奏逐其齊而法司復其其罪反涉阿諛報復之跡則夫朝廷用黨之疑理勢所必然也

八月大學士張居正條上六事一省議論二振紀綱三重詔令四覈名寔五固邦本六飭武備疏入上嘉其忠懇

命部院勘議以聞

吳瑞登曰臣讀居正一疏即見其直之衷所以加焉然不言自用而自用之機已露不言操切而操切之權已形故朝而共其夕而阻其時其所為第謹商榷而執先之以帝王後之以伯術而居正亦何嘗不帝王哉顧商執為公家而微怨居正為私室而招尤為公家者且出言無所舍中裂以獨矣况為私室者更得以善後乎君于是以盡人地

九月江右議行條編法部覆允之

十月戶部尚書劉體乾罷

先是內降戶部取買真珠黃玉綠玉黃金等項尚書高
驥即時召商收買凡貴近有力之家以什倍為商人買
送戶部倍索高價買完後出諸異取利延會大宴罷六
年考滿遂加太子太保引道歸罷之及至京為尚書凡
有取買真珠金玉之類算數特不為常上疏抗論財用
詘之請停取買疏至文思殿不言及進令將本支領同
體乾仍令齎上忌者毒殺其史劄伏而出復將原本送
與內閣李奉芳令請置乾面諭不必上本體乾遂欲致
休諸所取買仍執不行忽內降着開仕去

十一月李芳數以直諫忤旨同輩亦恨其正直共短之

上命緹騎杖之繫獄待決刑部尚書毛愷言刑人于市與
眾共之非特使死者不冤亦令生者不犯芳供事內廷

狀未明莫知所坐 上曰芳無禮第錮之

十二月廢遼王

己巳 隆慶三年

正月御史部永劾龐尚鵬心術狡猾行事乖謬吏部尚書楊博議覆言尚鵬才堪策勵宜留用 上曰近來吏部專事掩飾爲欺詐博乃自訟請解職遂令致仕去給事中嚴用和疏言博自筮仕迄今餘四十年數歷中外民事邊情靡不諳練及晉銓衡秉公守正以忠國家今以題覆小誤輒令休致既非所以存大體亦非所以孚公議乞留之令展所長不聽 總理練兵都督戚繼光疏論薊鎮兵多亦

少之原有七、不練之失有六、雖練無益之弊有四、又聞兵
形象水、水因地而制流、兵因地而制勝、薊之地有三、平易
交衝、內地百里以南之形也、半險半易、近邊之形勢、山谷
狹隘、林薄薈蔚、邊外之形也、虜入平原、利于車戰、虜入近
邊、利于騎戰、虜在邊外、利于步戰、三者通用、乃可制勝、今
邊兵惟習馬耳、未聞山戰谷戰、林戰之道、惟浙江之兵能
之、臣所以思用浙人有以也、願陛下更予臣浙兵戰守
三千、烏銃手三千、付臣教練、分發十區、使臣總領、車騎合
練、庶臣得展布而無掣肘之虞也、兵部覆議、宜取回總兵
郭琰、而獨任繼光、上是之、○高儀疏請東宮出閣講學、

得旨待十二齡來說

二月司禮監滕祥請汰匠役。上命詳查之。裁二千四百四十人。○提督京營戎政鎮遠侯顧寰以老疾乞休。本兵霍冀以科臣言大閱在即。功罪方明。寰享十五年大將之榮。而一旦求去。且四副將二十八叅佐三十二營四百余員。千把總皆待。皇上別白以彰勸沮。孰敢自便其私。上命寰策勵自効。○上旣免喪。猶不親政。吳時來上保泰九劄。一曰致戒懼言。天命人心。去留無常。視朝宴息。悉宜敬畏。二曰端遊幸。皇上好遊。何不召輔弼大臣講學議政。歌詩寫字。以通下情。而進讜言。三曰戒嗜好。聲色。症

廟切特政
之大者

現最易溺人、小人借之固寵、人主因之喪邦、四曰發綸音、視朝御政、但一發言、令臣子知所惕厲、五曰習奏事、請遵祖制、設寶座、會極門、以批章奏、六曰嚴票旨、近來旨多舛、盤皆云不經脣思、不由閣臣、中外駭異、宜專責閣臣、或內批未協者、聽閣臣執奏、七曰慎傳奉、昨泰和山事、旬日間、六更明旨、必有舞文之徒、假內批以行私者、宜令一切傳奉、皆補本覆奏、以防奸僞、八曰弘虛受、九曰禁誣指、小人欲害君子、必誣以違抗、指爲誹謗、嘉靖中如仇鸞殺曾鏡、胡青殺楊允繩、杜泰殺馬從謙、在今日尤不可測、乞痛革、以安善良、報聞、

駙馬鄭景和卒

景和向永福長公主性恬雅好文嘉靖九年侍衛十八年漢邸奉承天二十四年奉敕勸問楚欲情二十八年掌宗人府事三十三年召入直衛以表賀聖誕作食奉職為民隆慶改元詔復原職仍舊經筵至是卒于官當其為民居崑山十餘年於學多長於樂用時特為上外孫孫宗牧事多長於樂

三月上星逆行犯太微垣上將星

四月命大臣分督屯田

五月御史詹仰庇言陛下取戶部銀盡以供造鰲山修理宮苑花欄龍鳳鞦韆駕傳造監櫃玉盆之費使羣小因而乾沒為聖德累不小上怒命錦衣衛逮治杖百編氓大學士李春坊等與九卿各疏救不報○淮陽徐大水奏

發運司餘銀三萬兩鈔關船料三萬八百餘兩鹽院贖贖二萬八千六百餘兩河道二千三百兩司府州縣贖贖二萬五千餘兩積貯勸借買穀十五萬石截漕三萬石以賑之。○禮部郎中戚元佐上宗濟議

疏言諸藩日盛麻糧不給不及今蚤為興處將來更有難處者昔高皇帝築諸王皆接重兵松受地以為國家屏翰此固一時也迨靖難以後乃成滋害其權盡解羽室無勢親之迹屏寮無內藩之階此又一時也嗣是而後人多諱寡支用不敷乃有共遂而居分餅而食四十而未婚數載而不寧強者劫奪于通衢弱者殺入于輿皂此又一時也夫國初親王郡王將軍總四十九位女總九位今二百餘年宗支玉牒者見存二萬八千有奇視國初不啻千倍即盡歲供之輸貲不能給其半况乎十年之後所增寧復幾何又將何以給之議者謂祖制不敢擅更不知國初親王之祿以五萬計其他既稍茶鹽等用亦復相等不數年而止給米又不數年而

成爲萬石萬石不能給而于代肅建慶諸王遺歲給五
百石是商皇帝令出已而已成于前夫其在今日
事勢愈難可不變而通乎故階擬五事上請一舉封爵
二請繼嗣三別疏爲四議冒費五議擅婚查得嘉靖中
議者謂行限子之法臣謂生不必限封則可限如親王
嫡長子例築親王次嫡庶次子許封其二鎮輔奉國將軍有嫡
子許封其二庶嫡子止許封其一庶子一人請封嫡輔奉國
中尉不論嫡庶許封一子以上如有生子數多不盡封
者宜量給資親王之子年至十六賜之冠帶給銀六百
兩郡王之子年至二十賜之冠帶給銀四百兩將軍中
尉之子有志入學賜之衣巾給銀二百兩如是則可無
失所之虞矣繼嗣之議惟親王無嗣得以親弟親姪繼
嗣郡王無嗣止許木支奉祀若大不承亦已矣不得使
親姪弟封其爵疏屬庶親親之親親親則族而子
早爲乃得祿及祖免以下不爲軍子今不西王下自後
王而推親七世矣自郡王而推則六世矣不必再封止
將所生弟一子給銀一百兩使爲貴本至五世而止冒
費之議尤得直婚子女半爵子女與一室庶人既許其
各從生婚則口糧可以無給但其間或有年長廢棄及

家貧無業片。論畢恐不聊生。自今以後。生之。各宜預為教訓。隨其從便生理。不必給以口糧。但當之。議查得宗室婚嫁。到該本部覆議。方許成婚。今各府。婚最多。其若使各宗自首。明言其為擅婚之子。照例給以本等口糧。以後生子者。止許賜名。不必再給口糧。遂下禮部。

禮部嚴士儋乞類查擅婚濫妾子女。遵例請名。略曰。宗室名封。國家重典。王奏到部。例當核其父之爵職及母之婚配。來歷部。卽校對玉冊。或係嫡母。先年私擅成婚。或係庶母。先婚而後娶嫡。或係成婚未幾。而卽得生子。或係已得多子。而違例復收。或係所開娶妻年月之期。反旺生子。年月之後。或係遮飾。于卽今次子奏請之際。而不能檢其私生子。女私擅之迹。凡若此類。悉詳情弊。均之條制。新舊。

用人理用
二者皆國
家至計誠
不可不詳
部閣面議
者

婚子女及濫妾子女者也。止許請名。不許請封。禁行奏擬。其各年至十五歲。照庶人例。給與口糧。不得妄覲從之。○大學士殷士儋曰。伏望皇上仰法列聖。俯採羣言。以通上下之情。消天下之變。此之不聞。雖條對叢委。封章山積。無裨實用。夫用人吏部職也。考覈論薦。聞見訪求。臧否素定。而不敢擅用。禁例資格。非章疏所能達理。財戶部職也。出納經常。弊蠹源委。動有成算。而因革掣肘。非奏牘所能周。必宣召吏部。令其面對。凡實心任事。輿論共推者。無問卑遠廢棄。並許破格酌用。宣召戶部。令其面對。凡沿襲舊弊。浮冗當革。無問宮府纖鉅。並許清查釐正。更召輔臣而

賜商賒比見吏部擬用石星竟以報罷戶部疏止太和寺
稅卽獲譴訶是大臣所陳未徹天聽尚何以多言爲哉報
聞

六月陞海瑞爲右僉都總理糧漕巡撫應天等處○總理
河道翁大立上五患十二圖

疏曰陛下念前河之民重罹水災特下河租之令更益
內帑以賑之不勝大幸顧閭閻困苦之狀官禁遠近有
不盡見聞者臣謹給圖十二以獻一則曰水次荒軍二
曰運河築堤三口黃河漲漲四曰香使守堤五曰漕船
過河六曰黃河捲沙七曰茶城撈淺八曰洪水衝城九
口風雨異常十曰海潮噴溢十一曰災民避水十二曰
糧船漂沒險阻艱難備載之矣陛下惠然省覽知大
官之勝餘皆軍民之資臣必有物然得之責且今時事
可慮者五東南財賦之藪而江海泛濫粒米不登糧
雖如徒瑣人命北京臨可慮一也邊鎮關隘洪水衝溢

在河有河
經略奏術

城壁傾頽何恃以守此虜患可慮二也直隸河南山東
督服屬縣霖雨既久城郭不完積貯空虛賑貸無策卒
有盜賊何以備之此內地可慮三也海濱之間颶風鼓
浪兵船戰上悉被漂沉此海防可慮四也淮浙產鹽之
場鹹泥盡衝圍窺俱廢此國課可慮五也願陛下以
此五患十二國召公卿精術與共計之未其所以消弭
變異者無為文具上以
國留覽下其章于所司

七月釋原任副總兵田世威參將劉寶于獄二將失陷山
西石州論死繫獄已久一日詔釋之令立功自贖張鹵統
奏二犯有何情節可矜何功能可議用何臣奏請乃有此
命請仍付法司以釋羣疑奏上奪俸二月

吳瑞等言石州之陷其說與明世威劉寶之失律非
陸罪也昔以法司論罪今以特旨減死非實法也必其
賄賂有需而求為分罪故忽有此詔耳然而此罪一縱
則邊將皆可以逃重罪而朝廷賞罰無章矣張鹵之疏正

本報館內報
是亦遠矣哉。

罷南京刑部尚書孫植植先以三疏乞休不許至是魏國
公徐騰舉有子七人而無嫡出其長邦瑞已投牒國學矣
幼子邦寧綠母嬖欲干爵計請封其母鄭以爲地邦瑞遠
宣言邦寧券許助教鄭如璉萬金謀奪公爵事聞下植按
問植謂如璉以儒官納交勳貴宜斥以警官邪邦寧越法
干紀如律坐鵬舉徇情宜罰鄭氏既娶於適夫人存日誥
命宜追奪識上下部覆議上已可其奏而會執政有私
憾植者科臣王植永指劾植以訊報不詳竟罷免

植生平峻潔處國朝味香有清客其勸除氏獄各司俱
生曹中寢食乃以非罪去士論無不駭歎植父孫璽舉

進士正德已巳為典化令有奇政嘗以大木傷於富道
不才請自為奏請減田租之半又賑民之飢者以
其數武廟前巡淮楊顯以同知攝守於淮民賴安堵
泰州縣聖慈乘賑之凡活三萬餘人楊氏至今思之
靖江縣為屯田所命士特我晚資近使率民田日甚上
以屯田之生財復以兵備巡歷雲貴人同雲中所至以
結銀七兩除賑兵以兵備巡歷雲貴人同雲中所至以
兼直補持身執行
主方古人

上大閱將士于京營教場老幼快觀稱慶時以為曠典○
禮部尚書高儀四乞休許之

十一月尚寶司丞鄭履清陳時政廷杖下詔獄

略云時方多故百姓怨怒雲霧遠代中原之春也遂鼓
一而三三鼓發動徐來齊衛洪波浩折而四顧仁望
夷余落形勝之區也強橫憑陵而甯聚折直獨橫財貨
之殺也紅光剗冠而師勞宗藩之點官點等中事之哀

城固有不

鳴尤慘物怪人妖天鳴地震等星所見于女界三月猶
食于元春正段臣等哭進淨之秋皇上臥病當務之
日也諒陰已三暮矣曾召一大臣贊一竭宮納一諫土
手忠言重折檻之詞需臣等約誨之功學差違誤以之
規日觀絕時咨之益回話勢急內批突降旨洪宮府輒
率阻撓雖在私門字不可改迨其手摺王前口寓天憲
風行勢協勢成會使台轉具具九卿拱手元良極
痛于其立有獲罪首而奔命茲霜露未永月已滿望前
車不遠想豈在明疏
人命廷杖下詔獄

庚午 隆慶四年

正月陳以勤疏言臣因頃來多病乞骸骨歸但風以藩邸
舊臣不忍苟去謹條六事以補衮闕一曰慎擢用二曰酌
久任三曰懲賍吏四曰廣用人五曰練民兵六曰重農
納之允致仕加太子太師給郵傳夫康如例

三月大學士高拱疏言武反商政止于三事今 皇上以
子繼父豈宜專事更張且大禮大獄 先帝廟精之政而
禁議改易尤非繼體所宜其卹錄召用亦多偏私如唐樞
以建言削藉迄擯不錄及諸未錄者悉查創以行○原任
刑部右侍郎曾鈞卒謚恭肅賜祭葬如例

鈞進賢縣人端嚴廉正帝初奏武定侯郭勛大
學士嚴嵩旨降大震居官四十年始終一節

南京太僕寺少卿殷從儉上言廣西毒民惟獍而所畏惟
狼兵先年古田之寇雖時時出沒然未敢深入由防守有
狼兵也頃歲減狼兵置募兵已復盡革狼募二兵而用浙
關兵捕鼠者易猶以大然臣嘗講求防禦之法宜莫如訓

狼兵占地而責之屯守，蓋土官以得地爲利，而古田素稱膏腴，尤其所覬覦也。宜擇調東蘭那地南丹三州土官，令親領精銳狼兵各一二萬，各給以行糧，資以嚮道，進據古田要害，田畜其中，日夜探賊所往，遣謀購求，并勦勿赦，則首惡必盡成擒矣。又各種村寨不下數百種，類不啻數萬，其中固有納糧向化者，亦有曾經爲寇，未與犯城，後能悔罪，願立長相統者。進兵之初，又當預發旗捕分別之，要使衆心知所向背而不疑，然後一鼓下之。別立土官，年力功勞相應者，查照左江之例，授以選檢職銜，令其以夷治夷，屬之桂林府管轄，則今日之獍寇，即他日之狼兵，納糧

調與編民無異古田永無患矣。上采行之。○高拱請需才以待邊關之用拱言宜于兵部添設右侍郎二員同類設侍郎協理部事平日則練習本兵政務或欲巡邊關務即以一人往使便宜行事又不煩于假借或遇邊員總督員缺即以一人往使可朝發夕至又不費于那移迨其出入中外閱歷使深次第推補書如此而猶稱乏用必不然也兵乃專門之學宜預養待用法當自兵部始宜特高其選而以有智謀才力者充之更專官于此而又立陞格如邊方兵備缺即以兵部司屬補邊方巡撫缺即以邊方兵備補邊方總督缺即以巡撫補而總督與在部侍郎又以

候尚書之缺。其他官中有特出之。才能知兵事者。又聞取一二以補不足。如此而猶稱乏用。必不然也。臣又思之。邊方之臣。涉歷沙漠。出入鋒鏑。誠宜特示優厚。有功。則加以不測之恩。有缺。則進以不次之擢。使其功名常在人先。脫或推奸誤事。則律以法。職任不稱。則左其官。使其功名常在。在人後。如是而猶不盡力。必不然也。臣又見邊方總督之臣。頻年受苦。使儲養有素。用不乏人。自可行通融。休養之法。如在邊日久。著有成績。特取回部以休假之。休假之後。不妨再使其精神鼓舞而不疲。智慧長裕而不竭。以勤。事。爲濟必多。且臣子馳驅上念其苦。而君父體念下知其

意者臣老義即同父子之恩如是而人不盡心必不然也
奏入上褒嘉並如議行

四月刑科舒化以審熟請釋繫獄司丞鄭履淳內官李芳
等詔釋履淳爲民芳等充南京淨軍

五月戶科李已陳吾德陳節用疏因劾崔敏等故傳買金
瑄科授紛紜上怒杖已百繫獄吾德削籍○虜酋俺答
孫把漢那吉者酋婦所鍾愛也以歸于俺酋挾其妻闖入
遣總督王崇古留之邊吏譴曰此孤豎無足重輕宜勿留
崇古曰此奇貨可居俺答即急之因而爲市諭以執送叛
人趙全等還我乃優遣以慰其舐犢之愛而制其命其弗

急則我因而撫納。如漢質子法。使招其故部。居近塞。俺酋
老且死。而黃台吉勢不能盡有其衆。然後以居者各蠶扶
置塞外。其與黃台吉構。則兩利而俱存之。弗構。則以師助
之。外以博興滅扶危之名。而內收其力。廷臣譁然以爲不
可。俺酋婦恐我戕其孫。日夜涕唇。俺酋亦悔。且念乃以就
衆。而擁十萬衆壓境。崇古因諭以存卹恩。而要其轉叛示
信。酋婦感且愧曰。漢乃肯全吾孫。吾且嚙臂盟。世服屬無
貳。奚有于叛人。遂訂盟。通貢市馬。而諸虜亦貪漢財物。願
市。于是俺酋款塞。縛叛人獻闕下。誅之。封俺酋爲順義王。
諸虜皆解。辭受封比屬國。而俺酋老把都駐牧上谷。有

千十萬騎強盛駐與僉客會盟上谷諸節帥務以餌客
觀其欲于是利漢財從僉客上表通貢封其父子官齊
禁古以款虜功加少保兵部尚書世襲錦衣千戶賜蟒衣
白金飲至告廟羣臣遷賞如例

六月掌吏部大學士高拱言邊方有司實兼牧民禦虜之
責即以有才力者爲之猶懼不堪即優厚而作興之猶恐
不堪乃官其地者非雜流則遷謫非遷謫則多才力不堪
之人夫既不能稱職于內地而欲立效于邊方宜其吏治
日隳而生民日蹙也自今必擇年力精強才氣超邁者除
補或查治有成績兼通武事者調用以三年爲率比內地

考例異

痛快

之官加等陞遷有能捍患禦敵以軍功論不次擢用如才
略恢弘可當大用即由此爲兵備爲巡撫爲總督無不可
者若用之不效無益地方者降三級別用若觀望推諉以
致誤事者輕則罷黜重則軍法治罪夫旣開功名之路以
歆之干先又嚴降罰之條以繩之于後庶修職者多而邊
方有賴矣上曰宜加意擇人悉如議行○賈三近曰近
年州縣長吏率重甲科而輕鄉舉同一寬也在進士則爲
撫字在舉人則爲姑息同一嚴也在進士則爲精明在舉
人則爲暴戾低昂之間殿最攸異又今州縣正官有缺舉
委佐貳大都年力衰耗資格卑微漁獵貪婪雖亟爲補

勸新民已重獲損不堪矣宜下吏部凡州縣長吏毋得偏重惡士署印毋得濫授雜流詔允行

七月御史張守約追論故錦衣都督陸炳結納世蕃播惡流毒宜追戮炳尸逮治其子繹姪緒藉其家得旨姑削其官追奪誥命子姪俱爲民資產如數籍入

八月刑科給事中舒化等請釋戶科給事中李已內犯張恩等分別情罪輕重行罰得旨已釋爲民恩等繫獄如故始法司意思等有內援欲借以脫已及已獨釋衆始翕然謂上仁明獨斷左右不得與也

十月命肅府輔國將軍綰續襲封爲王仍支輔國將軍祿

禮部覆言宗藩襲封莫重于親王萬世遵守莫嚴于君命
縉纘以懷王從父例不得繼襲陳洪等私入其賄力主之
部議終不能奪

十一月上御文華殿日講畢大學士李春芳面奏北虜封
貢事具言外示羈縻內修守備意上曰卿等議當其即
行之于是左右知事由宸斷異議稍息

辛未 隆慶五年

正月大學士李春芳言東宮未出閣時閣臣以期望次日
行謁見禮不惟臣等獲遂瞻仰之私而東宮亦可開習
禮儀養成儲德 上許之

三月殿試進士，賜張元竹等四百十五人及第。出身有差，四月禮科給事中張國彥奏召對一節。先朝大學士李時所記召對錄，始于嘉靖九年，終于十五年。政事因革，人材進退，罔不召問臣寮，面決可否，與家人無異。乃今日所當繼述者，謹以前錄撮其大要，總二十九條，繕寫上進，伏望遵行。先朝盛事。詔留覽。○俺答既入貢，邊防大弛，軍餉皆入帥帑，以哨虜間以遺京，近邊卒餒瘠無復有生，理而板升生齒日蕃，強梗無賴，識者憂之。○大學士高拱言：「國家用人，不得官于本土，此惟有民社之責者，則然耳。若夫學舍、驛遞等官，其官甚卑，其家甚貧，一授遠官，或弃

官而不能赴。或去任而不能歸。零丁萬狀。其情可憐。近例教官得授本省地方。甚以爲便。乞視此爲例從之。

五月叙廣西古田平寇功。督撫李遷殷正茂。總兵官俞大猷。各陞賞有差。

古田種賊之最。者辜銀豹。扶其五子。四出擄掠。與黃朝猛。據鳳凰湖。水二渠。險固不可拔。於是正茂與迂講詞。恩明等處土兵。及陣兵共十萬。令大猷統之。直抵諸巢。合營進勦。斬首獲捷萬計。上嘉三至首功。乃有是命。然是時銀豹寔未死。既以窮蹙。畏令其黨見首已者。斬首以獻。其後命事全杜踪跡之。銀豹兄銀省。生致之麾下。至六月。正茂具疏引罪。被銀豹赴劉下得肯。正法并斬其孫扶種于西市。傳蠻夷曉令焉。

少師大學士李春芳致仕。賜馳驛。遣行人曹訖獲行。仍月給廩歲給夫。

八月詔以故禮部左侍郎薛瑄從祀孔子廟庭其神主序于先儒呂祖謙之下

九月戶科給事中宋良佐等奏國初運糧率因元故自會通河成而海運始罷然遮洋一總猶寓存羊之意至嘉靖末年科臣胡應嘉欲市恩桑梓諸軍建議罷廢而海運遺意無復有存焉者今河災頻仍運道屢梗宜將遮洋一總盡行議復務足原額以存海道遺意如該總隸北衛兌北糧者今由天津入洋抵薊州隸南諸衛兌南糧者今由淮入洋抵京通仍博訪國初並海諸衛所舊制使列障運屯彼此相望即河渠少梗而彼塞此通亦思患預防之策也

戶部覆言遮洋一摠先時徑渡天津海口不過八九十里
今欲涉海運餉事難造次乞先復遮洋一摠而以良佐所
上事宜下清司詳議○科臣蔡汝賢曰近因長不導駕窺
竊聖容微減于前矣夫皇上身關係甚大不可不
慎也今微陽初生正宜過欲養靜願于宮中澄心滌慮進
御有常毋令其溺志遊觀有度毋令其移情惟省覽典謨
訓誥以陶養此心親近師傅公孤以維持此心自然欲寒
氣清神凝體固宗社生靈之幸也 上報聞

壬申

隆慶六年

正月東宮行冠禮 上御皇極殿百官拜賀畢仍賀

太子于文華左門

閏二月上出御皇極門疾作還宮。○上疾有瘳。○是歲張
佳胤疏言應天徽寧池太安慶廣德地里遼曠崇山大江
盜賊淵藪舊以徽屬金衛道安隸九江道近如曠賊流劫
徽池而浙兵不救安慶江卒作亂而該道固聞太平軍民
呼譟入府而僅以和解焉有地方四千里而無一憲司以
緝束之手乞設兵備于池州而罷二道之遙制者報可

三月 皇太子出閣講書

四月浙江黑青日見時杭州黑霧中一物蜿蜒如車輪目
光掣電水電隨之

五月南面執節。非化爲酒。上不豫。二十五日召閣臣
高拱、張居正、高儀至乾清宮受顧命。上倚坐御榻。后
及皇貴妃咸侍。東宮立于左。拱等跪于御榻下。命宣
顧命曰。朕嗣祖宗大統六年。偶得此疾。遠不能起。有負
先皇付託。東宮幼小。朕今付之卿等。宜協心輔佐。遵守祖
訓。保固皇圖。卿等功在社稷。萬世不泯。拱等咸痛哭叩首
而出。翼日上崩于乾清宮。

六月皇太子即皇帝位。時年十齡。詔以明年爲萬曆元年。
上大行皇帝尊諡曰。契天明道淵懿寬仁顯文光武純德
純孝莊皇帝。廟號穆宗。

吳璠奏曰。史臣曰。先時法令嚴密。百官兢兢。上乃寬仁大度。然不經之史。罷無用之作。謂非禁之近。絕無名之戲。至如制節謹度。好生戒殺。審食驅鷹。而井及即位。開以謂左右。左右請詔。老條會供。上曰。若爾。則先蘇必日殺一雞。以備內膳。吾不忍也。歲時游娛。行幸諸光祿。供膳必先期。以請候。上言。為豐約。審裁。取至約者。與省尤。後薄。其節。給如此。雖歲終。然責讓後。審釋遣之。計心邊事。多形。上言。沙漠之表。募義來王。峭峭。憑林之輩。挽頸就縛。即史稱。明。鎮清。肅。懸首北關。未足喻其烈也。至若宗。宗之法。無紛更。約束之煩。先儲貳之教。為久安長治之計。皆獨斷于宸衷。雖享國未久。而規模弘遠矣。○支大輪曰。帝寬洪恭儉。從諫弗味。使李芳不點高拱。早。為外。火。持而不。于勝祥諸奄之輩。即漢之李。文。何以加焉。

詔首輔張居正。卜視大行皇帝陵寢。得大峪嶺吉。識者以為乾坤真偶風雨呵靈足綿 皇家萬年無疆之緒。 一

兩宮尊號。陳太后曰。仁聖皇太后。李太后曰。慈聖皇太后。

不元輔臣

上御平臺。召首輔張居正至。座前曰。先生爲。父皇。陵寢。辛苦受熱。又以。國家事重。只在閣調理。慰勞備。至。隨。賜銀幣。上疏謝曰。竊惟。召見輔臣。乃。祖宗朝。盛事。先帝臨御六年。淵穆聽政。屢經羣臣。奏復。俱未。蒙賜。允天下臣民。仰望此舉。殆非一日。我。皇上甫。登寶位。方在妙齡。即慨然發自。淵衷。修明。典。此誠上下交泰之朝。宗社萬年之福也。仍望。皇上繼今益。講學勤政。親賢遠奸。使。宮府一體。上下。一心。以成雍熙悠久之治。天下幸甚。

勅低初

輔臣張居正請。勅本兵。令邊吏毋得解甲。以謹備胡。時。

國有大故。恐啓戎心也。

戒論文武羣臣。勅曰。蓋開理道之要。在正人心。勸阻之機。先示所向。朕以幼冲。獲嗣丕基。夙夜兢兢。若臨淵谷。所賴文武賢臣。同心畢力。弼予寡昧。共底昇平。乃自近歲以來。士習澆漓。官方凋缺。鑽闕隙竇。巧爲踰取之媒。鼓煽朋儔。公事擠排之術。詆老成廉退爲無用。謂讒佞便捷爲有才。愛惡橫生。恩讐交錯。遂使朝廷威福之柄。徒爲人臣酌報之資。四維幾至於不張。九德何由而成事。朕初承大統。深燭弊源。亟欲大事芟除。用以廓清氛濁。但念臨御茲始。解澤方覃。鈛鋤或及於芝蘭。密網恐驚乎鸞鳳。是用去

其太甚。薄示戒懲。餘皆曲賜矜原。與之更始。書不云乎。無
偏無黨。王道蕩蕩。無黨無偏。王道平平。朕方嘉與臣民。會
歸皇極之路。爾諸臣亦宜痛滴宿垢。共襄王道之成。自今
以後。其尚精白乃心。恪恭乃職。毋懷私以罔上。毋持祿以
養交。毋依阿譎諂。以隨時。毋噉啗。以亂政。任輔弼者。當
當協恭和衷。毋昵比于滌朋。以塞公正之路。典銓衡者。當
虛心鑑物。毋任情于好惡。以開邪枉之門。有官守者。或內
或外。各宜分猷念。以濟艱難。有言責者。公是公非。宜奮
直以資聽納。大臣當崇養德望。有正色立朝之風。小臣當
砥礪廉隅。有退食自公之節。庶幾朝清政肅。道泰時康。用

臻師師濟濟之休歸于蕩蕩平平之域爾等亦皆垂功名于竹帛絲綵蔭于子孫顧不美與若或沉溺故常堅守塗轍以朝廷爲必可貴以法紀爲必可干則我祖宗憲典甚嚴朕不敢赦百爾有位宜悉朕懷欽哉

輔臣張居正請

上御 日講三日出 祝朝勿以寒暑小故廢罷疏曰
培養君德開導聖學乃古今第一要務臣親受 先帝顧
託追惟 憑几之言亦倦倦以講學親賢爲囑川取甘味
上請今一應大典禮俱已次第修舉時值秋涼簡編可近
伏望

皇上亟賜舉行。以慰天下臣民之望。查得弘治十八年。大學士劉健議以孝宗皇帝山陵甫畢。題請先行日講。次開經筵。今先帝梓宮在殯。服色不便比及山陵事竣。時已迫冬。殿庭高曠。亦難臨御。合照弘治十八年例。勅下禮部。于八月中旬擇日先行。日講。容臣等恭酌累朝事宜。定擬簡便儀注。及講讀人員恭請聖裁。其經筵會講。俟明春首舉行。庶聖德日益。聖治日隆。而臣等犬馬圖報之忱。亦可少効于萬一矣。

又請酌定朝講日期。疏曰。竊惟講學勤政。固明主致治之規。保護聖躬。尤臣子愛君之悃。今開講期近。臣等伏

念

皇上每日視朝朝後又講似于聖體太勞恐非節宣之道若論有益于身心有裨于治道則視朝又不如勤學之爲寔務也伏乞

皇上定以三六九日視朝其餘日俱御文華殿講讀非大寒大暑不輟講習之功凡視朝之日即免講讀之日即免朝庶聖體不致太勞而聖德亦爲有益矣

聖諭曰朕方在諒陰哀慕深切日臨朝政心寔未安今後除大禮大節并朔望升殿及遇有大事不時宜召大臣諮

問外。其常朝每月定以三六九日。御門聽政。餘日俱免朝。叅只御文華殿講讀。其一應謝恩見辭人員。遇免朝之日。止于午門外行禮畢。即各供職事。不必候補。大祥之後。還照舊行禮。

日講儀注

一伏覲

皇上在東宮講讀大學至傳之五章。尚書至堯典之終篇。今各于每日接續講讀。先讀大學十遍。次讀尚書十遍。講官各隨即進講畢各退。

一講讀畢

皇上進煖閣少憩司禮監將各衙門章奏進上御覽臣等退在西廂房伺候

皇上若有所諮問乞即召臣等至御前將本中事情一明白敷奏庶

皇上睿明日開國家政務久之自然練熟

一覽本後臣等率領正字官恭侍

皇上進字畢若

皇上欲再進煖閣少憩臣等仍退至西廂房伺候若

皇上不進煖閣臣等即率講官再進午講

一近午初時進講通鑑節要講官務將前代興亡事定

直解明白、講畢各退、

皇上還宮、

一每日各官 講讀畢、或 聖心于書義有疑、乞即下問、

臣等再用俗說講解、務求明白、

一每月三六九 視朝之日、暫免 講讀、仍望

皇上于宮中有暇、將講讀過經書、從容溫習、或看字體法帖、隨意寫字一幅、不拘多寡、工夫不致間斷、

一每日定以日出時、請

皇上早膳畢、出 御講讀、午膳畢還宮、

一查得 先朝事例、非遇大寒大暑、不輟講讀、本日若遇

風雨傳 吉誓免

山陵禮成

閣臣張居正奉慰疏曰臣於十八日伏奉 欽

命前詣 昭陵恭題 穆宗莊皇帝神主至即恭叩 玄

宮見其精固完美有同神造 寶城三面俱完工甚堅厚

及周視山川形勢結聚環抱比之前日考卜之時更覺佳

勝誠天地之奧區帝王之真宅也十九日辰時奉遷 梓

宮入皇堂行題主禮畢奉安于 獻殿未時掩 玄宮是

日又喜天氣晴爽人物昭融祗役臣工無不欽忭仰惟

我大行皇帝仁厚之德貫徹宇宙故得天人協佑事事美

成可以上慰

賜御書

終葵纂修
事宜

兩宮聖母永慕之誠仰成

皇上慎重大事之孝矣

上賜輔臣張居正

御書大字凡五

曰元輔曰良臣曰爾

惟鹽梅曰汝作舟楫曰宅揆保衡筆法道古爲世名寶

閣臣張居正等上纂修事宜疏曰切惟事必專任乃可以

圖成工必立程而後能責效查得隆慶元年六月初一日

開館纂修

世宗肅皇帝實錄經今六年尚未脫藁雖屢

屢

先帝聖問迄無成功在揔裁者恐催督之致然一向

因循司纂修者以人衆而相推竟成廢閣臣等日食大官

之饒茫無一字之補素養積職實切兢慙然揆厥所由皆

所以未嘗專任而責成之故也。蓋編集之事必草創討論修飾潤色工夫接續不斷乃能成書而其職任緊要又在于副總裁官。顧掌部事則有簿書綜理之繁直經緯則有侍從講讀之責精神不專職守靡定未免顧此失彼。修作忽輟是以歲月徒悠而績效鮮著也。今兩朝並纂二館齊開若不分定專任嚴立程限則因循推挾其弊愈甚。擬合責令原副總裁官學士諸大綬王希烈則專管纂修世宗肅皇帝實錄論德申時行王錫爵則專管纂修穆宗莊皇帝寔錄仍令兩臣刻日竣事併力纂修世宗肅皇帝寔錄立為程限每月各館纂修官務要編成一年之

事送臣等刪潤每年五月間臣等即將纂完稿本進呈一次十月間又進呈一次大約一月之終可完一年之事一季之終可完三年之事從此漸次積累然後成功可期其餘副總裁等官陸續辭等或理部休暇相與討論或侍講優閒令其補湊不必貴以程限各館纂修官務以職業爲重公家爲急不得別求差段圖遂私情書成之日分別叙錄但以効勞多寡爲差不復計其年月久近如此庶人有定守事易考成在各官可免汗青頌白之議而臣等亦得以寢曠職素飭之咎矣此雖纂修一事而國家用人之理綜覈名定之道實寓于斯也

閣臣張居正疏曰。竊照閣臣之職。專以視草代言。故其官
謂之知制誥。若制詞失體。以致輕褒。王言則關臣
爲不職矣。查得成化弘治年間。誥勅叙本身履歷功績。
不過百餘字。祖父母父母及妻室。不過六十字。至於
慶典覃恩。則其詞尤簡。蓋以恩例繁及比之考績不同。故
以賚被爲榮。不必詳其間歷。此制體也。近年以來。詞
語誇侈。多至數百十言。或本無實行。虛爲誦美。或事涉幽
隱。極力宣揚。且往往不候進呈文稿。輒已傳示。臣等方
欲爲之更定。而本官已先得稿登軸矣。夫誥勅者。朝
廷所以告諭臣下者也。臣諛其君。猶謂之佞。况以上諛下。

是何理乎。查得嘉靖十二年大學士張孚敬參論制勅房辦事大理寺評事岳梁模擬南京兵部尚書陶琰贈官誥文浮詞誇誕又不先送閣臣看詳輒便進呈因奉旨提問。比時嘉靖初年制勅之文祝成化弘治雖爲稍繁然尚未如近年之甚也。竊以禮貴從先辭尚體要况命令之辭乃一代典制傳之四方垂之後世所關非小此係臣等職掌不容不爲釐正伏乞

皇上念朝廷體統之當尊國家典制之當守勅威各撰述官自今以後凡爲制誥必須復古崇實毋得徇情飾辭以壞制體及文字未經進呈亦毋得預行傳

示以市私交如此庶王言重國體尊而臣等亦得以守其常職矣。

十二月輔臣張居正等進帝鑑圖說疏曰臣等聞商之賢臣伊尹告其君曰德惟治否德亂與治同道罔不興與亂同事罔不亡唐太宗曰以銅爲鑑可正衣冠以古爲鑑可見興替臣等嘗因是考前史所載治亂興亡之迹如出一轍大抵皆以敬天法祖聽言納諫節用愛人親賢臣遠小人愛勤惕厲即治不畏天地不法祖宗拒諫遂非侈用虐民親小人遠賢臣般樂怠傲即亂出于治則雖不階尺土一民之力而其興也勃焉出于亂則雖藉祖宗累世之

資。富國家熙隆之運。而其亡也。忽焉。譬之佩蘭者之必馨。飲。鴆。者。之。必。殺。以。是。知。人。主。欲。長。治。而。無。亂。其。道。無。他。但。取。古。人。已。然。之。迹。而。反。已。內。觀。則。得。失。之。効。昭。然。可。睹。矣。仰惟

皇上天縱英資。光膺鴻寶。孜孜誦習。懋殷宗典。學之勤。事事講求。邁周成訪落之軌。海內臣民。莫不翹首跂足。想望太平。臣等備員輔導。學術空疎。夙夜兢兢。思所以佐下風。効啓沃者。其道無由。竊以人求多聞。事必師古。顧史家者流。無慮千百。雖儒生皓首。尚不能窺。豈人主一日萬幾。所能遍覽。乃屬講官臣馬自強等。略倣伊尹之言。考

堯歷代之事除唐虞以上皇風玄邈紀載未詳者不敢臆
錄。謹自堯舜以來有天下之君撮其善可爲法者八十一
事惡可爲戒者三十六事善爲陽爲吉故用九九從陽數
也惡爲陰爲凶故用六六從陰數也。每一事前各繪爲一
圖。後錄傳記本文而爲之直解附于其後。分爲二冊以辨
淑慝。仍取唐太宗以古爲鑑之意。僭名曰 帝鑑圖說。上
皇上。府覽。管班伯指畫屏以諫。意專戒懲。張九齡千秋金
鑑一書詞涉隱諷。今臣等所輯則熾惡並陳。勸懲斯顯。譬
之薰蕕異器。而臭味頓殊。水鏡澄空。而妍媸自別。且欲觸
目生感。故假象于丹青。但取明白易知。故不嫌于俚俗。雖

條目僅止百條而上下數千載理亂之原庶幾略備矣伏
望

皇上俯鑒愚忠特垂省覽視其善者取以爲師從之如
不及視其惡者用以爲戒畏之如探湯每興一念行一事
卽稽古以驗今因人而自考高山可仰毋忘終實之功覆
轍在前永作後車之戒則自然念念皆純事事合理德可
凝于堯舜治將埒于唐虞而千萬世之下又必有願治之
主效法之臣取

皇上今日致治之迹而繪之丹青守爲模範者矣奉
聖旨覽卿等奏具見忠愛懇至朕方法古圖治深用嘉納

國書留覽還宜付史館以昭我君臣交修之義。

安置黔國公沐朝弼于南京。時遣錦衣衛逮至京師。廷鞠之。楊笞備至。元輔張居正奏請念其先世勲勞。乞寬其罪。得減死安置。

皇明從信錄卷三十四

秀水沈國元述

癸酉 萬曆元年

舉經

正月 詔禮部擇日具儀開舉 經筵

御史鍾繼英上疏劾倖半年尋降謫時正月十九日早
上出乾清宮見一無鬚男子假裝內使趨走章皇左右執
之問其名曰王大臣問何自來曰自總兵戚繼光所來時
輔臣張江陵隨票 旨着東廠鞫問且囑曰奈何稱戚總
兵禁勿復言此自有作用大臣既下廠隨有一辛儒者與
同處供其飲食男女之欲備極款厚因教之曰但稱

自關老高拱所來欲陰行刺

上而厥校緹騎已集高之門矣天官楊博向江陵曰此事關係重大若果爲之恐大臣人人自危似乎不可江陵心不解太僕卿李幼滋者荆人也方病注門籍強起詣江陵曰朝廷拿得外人而公卽令追究主使之人今稱主使者卽是高老竊恐萬代惡名將歸于公何以自解江陵備說以對刑科梁給諫相議具疏欲將王大臣送出法司審問江陵慮大臣泄其情力阻之疏候五日不得上御史鍾繼英上疏暗指其事而不明言江陵不敢甚罪之乃稟旨罰俸半年尋以他事降謫咸符衆口時令錦衣朱希柔

等會審。是日方晴。猝忽風沙大作。黑霧四塞。人對面不相識。又雨雹不止。衆皆駭懼。辟易。理刑官白一清因厲聲曰。天意若此。可不畏乎。高老係顧命元老。此事本無影響。而強以誣之。我輩皆有身家妻子。他日能免誅夷之禍耶。移時乃會問。故劄廠衛問事。必先加刑。于是將王大臣先行決責。大臣揚言。當初原說與我官做。永享富貴。我何曾認得高閣老。如何打我。朱希孝等懼事潰。遂罷審。而高老亦稍稍可幸無虞矣。二月內。始將王大臣送法司。然已中毒。啞不能言。遂處斬。訖。自是臺官懼江陵威望。亦竟無敢有甲言者。

出紀錄

嶺東平

二月嶺東平嶺東有巢曰洋烏潭馬公等寨其地在惠州
叢山深菁延袤八百餘里一夫當關萬夫莫奪故伍端黃
世喬等得嘯聚其中蚕食東路數十年人望之如同紇冒
頰至皇考時藍一清賴元爵益爲巢傑而曾廷鳳江漢
王栗葉景清馬祖昌諸賊亦據有堅巢爲寇暴所從來遠
矣時督撫殷石汀以嶺東故多盜往歲當事雖舉兵首事
然徒嘗寇略取所獲一二以奏報虛往虛返卽名殺賊耳
恐不大舉將爲東南憂且此屬皆閩粵人非若強胡不可
化誨旣稱聽撫而猶撫堅巢如故此何爲者也自非望風
解散已列爲編氓者不得言撫于是大誓文武將吏進搗

情形已見
故力主剿

其果倖斬藍一清等一萬二千二百八十有奇諸走匿陞
巖谷焚溺歟者不可悉數捷聞實賜有差

七月輔臣張居正上言臣當先帝時所上便宜六事其

一曰綜覈名實乃當事者說歲惕月卒不能以實應卽所

敷奏徒文具耳請令自今天下吏民所上封事有事下四

方郡國者請令諸曹皆置紀籍與爲期約而月令科臣按

之設所在撫按奉行詔書不以時奏報或已奏報而諸

曹故慢令不與可否者臣等當條列其事請詔下所司

詰問責令對狀報可

出大詔文集

是年兵部侍郎汪道昆閱邊總戎李成梁請展築寬奠等

六堡其地北界王果東隣兀堂去潁陽二百里方修築十
岔口寬莫堡巡撫張學顏按視兀堂等數十首環跪稱修
堡塞道不得圍獵內地顧質子所在易鹽布工竣學顏疏
請聽市寬莫永莫謂東夷惟易米布脂鹽無馬匹他違禁
物與開原廣寧撫順異卽以市稅量充撫賞予之優詔
曰可自是開原而南撫順清河綏陽寬莫並有市諸夷亦
利互易無敢跳梁當是時東夷自撫順開原而北屬海西
王台制之自清河而南抵鴨綠江屬建州者兀堂亦制之
頗遵漢法

出三大
正考

凡楠木最巨者商人採之鑿字號結筏而下至蕪湖軍

年清江主事必來選擇買供運舟之用南部又來爭商人甚以爲苦別巨者沉江干俟其去沒水取之常失去一二萬曆癸酉一舟飄沒中有老人素持齋字信義方拍水若有人扶之至一潭以榜曰木龍府殿上人乾梳甚偉面有黑痕宛然所鑿字號也傳呼曰曾相識否老人叩首曰楠已明矣惟大王生死之又傳呼曰汝善人數尚可延令一人負之而出俄頃抵岸則身在大木上衣服皆不濡旣登岸一無所見

出小

杜瑩平

甲戌 萬曆二年

正月西南夷都蠻平都蠻古澶戎也自漢遺唐蒙通巴笮開捷爲郡治道置吏其後諸葛武侯僅能討平之然亦弗靖至純皇帝時程尚書李襄城至煩十八萬之師費金錢鉅萬越四年僅克霸益九絲凌霄等寨皆天險蠻人也聚其中出沒爲寇殺掠我人民萬數方隆慶改元蜀當事者告急江陵以曾確菴請于上詔令往討之曾有偉略徵兵積餉爲坐困之形而募歿士從間道徇其虛先是言官有以關事論劉總戎顯者罪且不貸江陵曰臨敵易將兵家所忌倘蜀事不効當并關事逮治之于是言者益

始解而顯竟奮不顧身受曾方略以平蠻自効凡越六月而凌秀九絲等寨悉平所擒斬俘馘四千六百有奇得酋王三十六人拓地四百里得武侯所遺銅鼓九十三而還輔臣張居正進講章疏略曰義理必時習而後能悅學問必溫故而後知新

皇上睿明日開若將平日講過經書再加尋釋則其融會悟入又必有出乎舊聞之外者臣等謹將今歲所進講章重複刪定編定大學一本虞書一本通鑑四本裴演進呈雖章句淺近之言不足仰窺聖學精微之奧然行遠升高或亦一助云爾

三月會試以武英殿大學士呂調陽吏部侍郎兼侍讀學士王希烈充主試官取孫鑣等三百五十名
三月廷試賜進士孫繼皋俞夢麟王應選等及第出身有差

是科後以名位著者李化龍及李三才孫鑣李誌

上命吏部都察院堂上官并吏科都給事中掌河南道御史等官引天下廉能官員赴會極門而加獎賞仍

詔禮部具簡便儀注進覽

夏翰林院產白燕內閣生嘉蓮閣臣等進獻

並以獻

聖母太廟。甚爲嘉悅。

皇考實錄成。纂修史官。申時行。王錫爵。

遼東大捷

十一月。遼東大捷。初。東虜見俺荅已得放。而倒已土蠻連。

把亥諸卦。不許。故驕蹠恥言修貢事。隆慶五年四月。寇連。

遼東大捷

山驛。五月。寇盤山。六年二月。寇長勝堡。萬曆元年。犯鎮西。

堡邊外。秋七月。寇鍊嶺。冬十二月。寇鎮寧。時江陵當國。令。

大築亭障。修烽火。前後所以授當事者甚備。虜入犯。輒大。

剗去。乃糾建州屬夷。以冬十月。寇清河。逆首王杲。誘殺我。

裨將裴承祖等。督府張學顏。與總戎李成梁。鼓行而前。乘。

勝。直搗紅力寨。斬首一千一百有奇。獲牛羊無算。捷聞。

廷御屏

論功行賞有差、

十二月閣臣張居正率吏書張瀚兵書譚綸奏上御屏
屏中繪天下疆域旁列上公而下都太守而上文武群臣
姓名

上命設于文華殿後省覽

御筆改字

申文定公爲史官時有祛倦見文是年御筆改魔字
攷其文作于丙辰歲已十九載

上方十二歲何由見之間以問文定公公云此內史持入
上覽而喜遂酒筆而公亦以此受春且大拜矣

主事龔錫爵爲其子方升補五代祖龔弘之蔭張江陵

票 旨曰罷以後年遠親盡的皆不准補此公節制亦
自可喜其後遠者定以五十年爲期出小
以禮部尚書張四維入東閣

吏部侍郎陶大臨卒贈禮部尚書謚文僊會稽人大臨貌
不勝衣而識沉守介爲講官諄諄以正心窒欲敬天法祖
爲言在吏部參決大計所汰留多得其常持已實畏罔失
而尤嚴于取予卒之日案無餘金士論賢之予允宜甲戌
進士從子望齡己丑會元

時陶與諸同里世姻諸自禮侍爲吏侍元年卒陶二年
卒其銜位贈官皆同亦一奇也

乙亥 萬曆三年

編修張位請申飭史職。言：「文閣臣等議疏曰：『國家設起居注官，日侍左右，言動書者左史，記事右史。記言之制，迨後詳定官制，設翰林院修撰、編修、檢討等官，茲以紀載事重，故設官加詳。原非有所遷廢，但自職各更定之後，遂失朝夕記注之規，以致累朝以來，史文闕略。』昔世宗皇帝嘗諭大學士張璁：『日日每有左史、右史之官，歷代因之。我聖祖創翰林之制，亦有編修、檢討之名，但未見居此職者。』蓋乃事云是紀錄之職，本自備官，積廢之由，實在臣下。卽如通志纂修，世宗皇考實錄，臣等祇

事經義凡所編輯不遺龜集諸司章奏稍加刪潤彙括成
編至于仗前柱下之語章疏所不及者卽有見聞無憑增
入與夫拜官野史之書海內所流傳者欲求采錄又恐失
真是以兩朝之大經大法雖罔敢或遺而二聖之嘉
謨嘉猷實多所未備凡此皆由史臣之職廢而不講之所
致也矧我

皇上聰明天授淵哲性成踐祚以來善政鴻猷班班可
述類非章疏所能盡見若不及時紀述何以章聞代美垂
法無極臣等仰稽成憲恭酌時宜謹將一應合行事宜逐
條詳列于後

一議分管責成。照得史臣之職以紀錄起居爲重。朝
宮禁遠。祇流傳少實。堂廡遠隔。聽睹非真。則何以據事直
書。傳信。番後看得日講官客通。天顏見聞。真的又每從
閣臣之後出入。便殿卽有密勿謀議。非禁秘不可宣
露者。閣臣皆得告語之。合今日講官日輪一員專記注
起居纂錄。聖諭詔勅冊文等項。及內閣題稿。其朝
廷政事。凡于諸司章奏者。另選年深文學素優史官六員。
專管編纂事。分六曹。以吏戶禮兵刑工爲次。每人專管一
曹。俱着在館供事。不許營求差假。致妨公務。

一議史臣侍直。謹按禮儀定式。凡遇常朝。記事官居文

武第一班之後，近上便于觀聽。卽古端頭載筆之意。洪武二十四年定。召見臣下儀，以修撰編修充侍班官。卽古隨使入直紀事之意。今宜遵照祖制，除陞殿例用史官侍班外，凡常朝御皇極門，卽輪該日記注起居并史官共四員，列于東班。各科給事中之上。午朝御會極門，列于御座西稍南。專一記注言動。凡郊祀耕籍幸學大閱諸典禮，亦令侍班隨從紀錄。至于不時宣召及大臣秘殿獨對者，恐有機密，不必用史官侍班。但令入對大臣自紀聖諭及奏對始末，封送史館。詮次其經筵日講，則詳官卽記注起居，亦不必另

用侍班

一議纂輯章奏。照得時政所寄。全在各衙門章奏。今除內閣題稿。并所藏聖諭詔勅等項。該閣臣令兩房官錄送史館外。其各衙門章奏。該科奉有旨意。發抄到部。卽全抄一通。送閣轉發史館。至于欽天監天文祥異。太常寺祭祀日期。各令按月開報。其抄本不必如題奏揭帖格式。但用常行白紙。密行楷書。不論本數多寡。併作一封送入。一議紀錄體例。照得今次紀錄。祇以備異日之考求。俟後人之刪述。所貴詳核。不尚文詞。宜定著體式。凡有直書天語。聖諭詔勅等項。備錄本文。若諸司奏報。

應事體除項屑無用文義難通者稍加刪削潤色外其餘事有關係不妨盡載原本語涉文移不必改易他字至于事由顛末日月先後務使明白無致混淆其間事蹟可垂勸戒者但據事直書美惡自見不得別以己意及輕信傳聞妄為褒貶

一議開設館局照得東西十館原爲史臣編校之所審選朝堂紀述爲便今合用東館近上四所令史臣分直其中一起居二吏戶三禮兵四刑工除典守謄錄人役隨同供事外一應閒雜人等不許擅入其合用紙劄筆墨酒飯等項俱照纂修例給

藏

一議收減處所照得 國史古稱為金匱石室之書蓋欲收藏謹嚴流傳永久今宜稍倣此意凡置一小櫃歲置一大櫃俱安放東閣左右房內每月史官編完草稿裝為七冊一冊為起居六冊為六曹事蹟仍于扉面各記年月史官姓名送內閣驗訖卽投入小櫃用文淵閣印封鎖歲終內閣同各史官開取各月草稿收入大櫃用印封鎖如前永不開視

曆錄

一議曆錄掌管照得史館紀錄所用曆錄典守官吏見今纂修實錄卽可通融選用合將各館曆錄官選取勤謹善書者二員專錄秘密文字行吏部選撥善書貼寫辦事

吏十二各專爲各衙門章牘撥當該吏四名專管文冊及朝夕啓閉館門常行供事滿日各照常送部撥補不給恩典

一議補修記注伏睹 聖明踐祚之始卽 召見輔臣于平臺二年之春 召見計吏廉能卓異者 而賜獎諭通者以吏兵二部奏除文武職官又 親臨銓選皆古帝王之盛節三年之間 鴻猷善政不可縷數茲者曠典修復亦合將二年以前事蹟追書謹錄用傳萬世擬令各官除每日照前供事外兼將二年以前 起居初政亦照月分曹以次纂錄其 詔勅等項內閣查付各衙門章奏行六

科照月類抄一冊送內閣轉發 奉

聖旨都依擬行

武清伯李偉請價自造墳塋工部尚書郭竄援 世宗朝
章聖皇太后母家玉田伯蔣翰乞恩造墳事例題擬折銀
二萬兩

上嫌其薄下部覆議閣臣張居正等疏略曰臣等犬馬微
情敢不仰體

皇上孝事

尊
聖母篤厚外家之心從優議處但思孝在無違而必事之
以禮恩雖無窮而必裁之以義貴戚之家不患不富患不

知節富而循禮富乃可久越分之恩非所以厚之也踰涯之請非所以自保也

五月輔臣張居正請勅吏部凡所在督學使者非方正博聞之士宜勿遣督學使者所使修起教化毋得日坐都城中虛談晉譽計日待轉使人得干以私宜以時遍歷所部郡邑所至興廢舉孝謹察學官博士弟子每三年四方郡國既大舉士卽令主爵御史大夫察舉其能否御史中丞部使者又非時得以論列其事其能明布論下綱紀人倫不涉流俗者詔進其官設有群聚徒黨虛論高議若受事請謁反以突梯脂韋事人者輒罪之博士弟子務崇孝

第廉讓敦本尚實毋得勦襲異端游大人成名其有談時
好訐不務成事市語道謫敢行稱亂者令有司論如法
上俱報可

輔臣張居正論邊事疏曰昨該遼東巡撫張學顏等報稱
達賊二十餘萬謀犯遼東前哨已到太寧請兵請糧急于
星火至于上廩 聖慮面諭臣等虜寇猖獗深以為憂比
時臣等已卽 面奏暑月非虜騎狂逞之時料無大事請
寬 聖懷今據薊鎮總兵官戚繼光揭稱諸酋久已解散
時下正議掣兵及臣等使人于宣府密探西虜青把都動
靜則本酋一向在巢住牧未嘗東行遼東所報皆屬夷謠

實之言。絕無影響。數日以來。更不聞消息矣。臣等因此。反切憂慮。夫兵家之要。必知彼已。審虛實。而後可以待敵。可。以。耳。目。今。無。端。舉。一。訛。傳。之。言。遂。爾。倉。皇。失。措。至。上。動。九。重。之。憂。下。駭。四。方。之。聽。則。是。彼。已。虛。實。茫。然。不。知。徒。借。聽。于。傳。聞。耳。其。與。風。聲。鶴。唳。草。木。皆。兵。者。何。異。似。此。舉。措。豈。能。應。敵。且。近。日。虜。情。狡。詐。萬。一。彼。常。以。虛。聲。恐。我。使。我。驚。惶。疲。于。奔。命。久。之。懈。弛。不。備。然。後。卒。然。而。至。措。手。不。及。是在。彼。反。得。先。聲。後。實。多。方。以。誤。之。之。策。而。在。我。顧。犯。不。知。彼。已。百。戰。百。敗。之。道。他。日。邊。臣。失。事。必。出。于。此。故。臣。等。不。以。虜。之。不。來。爲。喜。而。深。以。邊。臣。之。不。知。虜。情。爲。慮。也。兵。

部以居中調度爲職。尤貴審察機宜。沉謀果斷。乃能折衝樽俎。坐而制勝。今一聞奏報。遂爾張皇。事已之後。又寂無一語。徒使君父日焦勞于上。以憂四方。而該部以題覆公牘。謂足以了本兵之事耳。臣等謂宜特諭該部。詰以虜情虛實之由。使之知警。且秋防在邇。前遼之間。近日既爲虛聲所動。征調疲困。恐因而懈怠。或至疎虞。尤不可不一儆戒之也。以上俱文忠奏記

九月、北京重建貢院成、工始于二年三月、計備三十六萬有奇、費以五萬金、閱麗真壇、還密紫輿、視舊制不啻三倍、首輔張江陵有記、

十月以翰林院編修沈一貫充日講官時

上重儒臣賜予優渥與大僚均禮嘗親灑宸翰賜輔臣及

六卿與講幄臣賜一貫龍箋文曰責難陳善聖心之其大

十一月首輔張居正進郊禮圖考疏曰茲者恭遇

皇上肇舉郊禋大典臣等謹輯郊禮新舊圖考進

呈睿覽舊禮者太祖高皇帝所定也新禮者世宗

皇帝所定也按天地之祭自周以來或分或合其禮不

一然大率合祭者爲多國朝自洪武以後一向合祭嘉

靖年間始建分祭之制然議者咸以合祀爲便願茲重典

今且未敢輕議謹輯爲禮書二冊首敘分合沿革之由次

具壇壝陳設規制圖次列儀注樂章等項而以臣等淺陋之見略述其概竊附于後以備聖明他日裁擇且以仰贊明禋之萬一臣等又惟國之大事在祀祀之大者曰郊茲者

皇上親郊之始正百辟具瞻之初况郊壇高曠霜露凝寒登降周旋禮文繁縟必須寅虔誠惻乃可孚格于重玄必須收斂精神乃能成全乎大禮雖聖敬乾誠昭格有素然茲當行禮之期凡起居飲膳念慮動止之間尤宜倍加謹慎務期積誠致潔真如上帝之降臨左右可也

郊禮新舊考附

國初建 國丘于鍾山之陽以冬至祀 天建 方澤于
鍾山之陰以夏至祀 地洪武二年始奉 仁祖淳皇帝
西向配享十年奉始定合祀之制時以 天地壇 大祀
殿未成暫于 奉天殿行禮至十二年正月乃合祀于
大祀殿仍奉 仁祖 命官分獻日月星辰嶽鎮海瀆
山川諸神凡一十四壇三十二年更奉 太祖高皇帝配
享永樂十八年北京 天地壇成每歲仍合祀如儀南京
壇有事則遣官祭告洪熙元年奉 太祖高皇帝 太宗
文皇帝同配享嘉靖九年初建 國丘于 大祀殿之南

每歲冬至祀天以大明夜明星辰雲雨風雷從祀建
方澤于安定門外每歲夏至祀地以五嶽五鎮四海四
瀆陵寢諸山從祀但止奉太祖一位配享而罷太
宗之配其大祀殿則以孟春上辛日行祈穀祭奉
太祖太宗同配享十年又改以啟蟄日行祈穀禮于
圜丘止奉太祖一位配享十七年秋九月詔舉明堂
大享禮于大內之玄極寶殿奉唐宗獻皇帝配享
玄極寶殿卽舊欽安殿也是冬十一月上皇天上帝
尊號十八年春行祈穀禮于玄極寶殿不奉配二十
四年拆大祀殿改建大享殿命禮部歲用季秋奉

請卜吉行 大享殿禮隨又 命仍暫行于 玄極寶殿
隆慶元年 詔罷 祈穀 大享二祭復 玄極寶殿仍
名 欽安殿而 天地則分祀如 世宗所更定云臣等
謹按 國初 天地分祀至洪武十年 聖祖乃定爲合
祀之制每歲以正月上辛日行禮于南郊 大祀殿 列
聖遶行百六十餘年至 世宗皇帝始按周禮古文復分
建 南北郊俱壇而不屋 南郊以冬至 北郊以夏至
行禮而二至之外復有孟春 祈穀季秋 大享歲凡四
郊焉隆慶改元 詔廷臣議郊祀之禮時以者並請罷
祈穀 大享復合祀 天地于南郊 先帝崇禎三年無

改之義獨以 祈穀 大亨在 大內行禮不便從禮官
議罷之而分祀姑仍其舊蓋亦有待云爾夫禮因時制宜
本乎人情者也 高皇帝初制郊禮分祀者十年矣而竟
定于合祀者良以古今異宜適時爲順故來以歲首人之
始也十以春初時之和也歲惟一出事之節也爲屋而祭
行之便也百六十餘年列聖相承莫之或易者豈非以
其至當允協經久而可守乎今以冬至極寒而裸獻于霜
露之下夏至盛暑而駿奔于炎歊之中一歲之間六飛再
駕以時以義斯爲戾矣且 成祖文皇帝再造宇宙功同
開創配享百餘年一朝而罷之于人情亦有大不安者故

世宗雖分國方之祀而中世以後竟不親行雖肇舉太
享之禮而歲時禮祀止于內殿是斯禮之在當時已窒
礙而難行矣况後世乎臣竊謂宜遵高皇帝之定制率
循列聖之攸行歲惟一舉合祀之禮而奉二祖並配
斯于時義允協于人情爲順願郊禮重典今且未敢輕
議謹稽新舊規制禮儀而略述其概以俟聖明從容裁
斷焉

是年春王呆復糾虜盜邊副總兵曹蓋厚市夷賞謀某匿
首阿哈納寨勒精騎馳剿得二十六級某爲以蟒掛紅甲
授哈納脫走將投土蠻會撫順問賈市夷急購果乃走索

所善東夷長王台所開原兵備使賀漆宣諭台台向忠順
遂與子虎兒罕執送境上檻車傳致獻俘詔殊果加台
龍虎將軍秩祿西虜二子並進都督僉事始果以數寇罷
市賞訖名科勾來貢至是邊夷聚果勅十八道中科勾
果也當是時王台所轄東盡灰扒兀刺等江南盡清河
建州北盡二奴延袤幾千里內屬保塞甚盛

丙子 萬曆四年

正月御火劉臺核奏首輔張居正上疏乞休
上慰留之遂杖劉臺居正復申救竟從寬貸

二月總兵戚繼光重修三屯管城成

國初捐大寧藩封昇兀良哈爲屬夷俾障輔畿郡未幾
匪茹厓我宣廟出喜峯貢路征之而尚引虜爲梗故
初設鎮守桃林只已而移于谷天順又移三屯營去喜
峯二舍矣卽忠義中衛三百戶屯地名三屯營在遷安
縣南百二十里左山海右居庸而綿穀其中以要貢路
示重舊城痺薄而隘南有境垣爲截殺營卽移鎮府所

芟也。間有闢闢，固無城守。且七戌非土著，防罷空營。以行雖名重鎮，虛亦甚矣。遵化縣去此五十里，忠義三衛一所附之。而此惟三百戶勢輕，不足犄角。鎮守麾下移兵餉，顧抱微印于衛，非所以專統馭、急禦侮也。自肅靖來虜震，京國隆慶之元，入薊東重，而鎮益重，乃以繼光總理之。邊垣孔亟，經營六年，次第就緒。內地安堵，二營閭閻日壯，恐在衛盜爲虜資，常場鎮之衆訓練於此，第足以密戍者病之矣。乃謀闢城于制撫兩臺，會上卽位，詔增餘邊城，因得請。適汪少司馬閱師，條便宜制，令移忠義中衛于三七城，出掌印佐貳巡捕指揮及

千戶經歷各一佩印赴之。張軍春秋踐更而有警悉至。
遂置衛增營及繕建公署舊城益證明年秋規外地而
善其址。三年撤南垣而坏南營以闢之。凡五百五十七
丈高二丈五尺加五尺爲雉堞而廣半于高。址廣四丈
有餘門三南曰景忠東曰賓日西曰肇京其譙甚麗而
闔次之。徂暑外完秋斃其裏上下有隙以爲之防。次年
春二月乃繕舊城凡六百一十六丈表裏高厚悉如樓
臺下旁各開便門周城水洞有二敵臺有九環以牛馬
埧列孔以備驛脫東開塲以積芟菴從衛五十丈其北
有聚星堂館東路諸將西則開武之塲旁墻闊十丈長

二百丈以益之堂台故庫陋茲高敞焉諸將之廳事有五至如歸矣前爲車營四百二十間凡制甚具約費公帑僅六千餘金宅皆標奇以佐之因復拓城內外營房八百餘若保河河南南兵輜重諸署及守備出城公營五月重修大明會典

是書創于弘治十五年續修于正德四年司禮監刻印頒賜再修于嘉靖二十八年進呈未刊萬曆四年題准重修十五年進呈禮部刊行其條例大約出洛陽餘姚之手出小

輔臣進 皇祖御書聖諭御製御批凡二百四十有二

上留覽

出太
集

七月時歲比不登又多水旱

上詔書數下賜民田租而郡國奉行不勒督賦益急閭閻

愁嘆盜賊竊發詔責有司加意牧養令主計議佐百姓

民有窮餒或歲大侵若歲久賦重度終不能輸將者其悉

除之

出太
集

時太倉所儲足支八年獨大帑無羨金而民間復苦輸

粟移歲勤動不得休暇上下交病閭臣請令今歲賜民嘆

折十分之三實公帑寬民力真兩利之道

上從之

出太
集

馮司禮保之任都督馮邦寧時以貴倨使酒凌市人遮
遇江陵相班隸姚曠者勸之邦寧手段姚曠曠卽捋其
衣帶同赴朝房白江陵江陵卽致一帖與司禮云其任
之使酒失儀宜戒飭馮杖其任四十奏革職得罪一死
方得與朝列出太

江陵子思修曰按此一事卽士大夫之賢者猶不能無
護短之意作于言色而馮公信公之深竟詞愛以義斷
之可謂兩難矣出大

丁丑 萬曆五年

二月會試以禮部尚書兼太學士張四維詹事兼侍講學士申時行充主試官取馮夢禎等三百五十名

三月廷試賜進士沈懋張嗣修曾朝節等及第出身有差是科蘇濬楊起元馮琦俱以文行名世庶吉士二十八人以掌詹汪鏜少詹王錫爵教習之

命考試就教舉人舊例就教舉人看府州縣學訓導之職仍准下科會試一次三年之後考其年力精壯通達民事者陞有司正官次則量轉學正教諭以次漸陞有司以其未經國學作養故資以廩給以進學習事爲將來用之

地近年浸失此意不能驟復初制江陵議以所考上中卷兩項內畧示釐正擬以上卷授州學正中卷前半授縣學教諭後半俱授以府州縣各人才衆多所在儒學訓導仍准會試一次三年之後陞正官今次查有見缺盡與除授如員缺不敷着令在部聽候陸續選除毋令盡輟回籍以收政體餘照例施行

五月 詔修慈慶 慈寧宮首輔張居正上言 兩宮規制甚備又至壯麗足以娛

聖肆萬壽不宜時誦舉慶令群臣嘖有煩言

上入告

聖母得罷之

御史陳王道請易試院苦舍以木京師試院改舊禮部爲之乃正統年間事南京試院乃錦衣衛指揮紀綱沒官舊房地下時有甲馬聲景泰五年府尹馬諭奏請改之以前皆于武學借用搭蓋苦舍然試院雖改其中搭蓋如故至是始易以木然不如今之磚舍更爲完固可免火災

六月嶺西羅旁平羅旁據東南山海間東西二山相距數江急峽飛巖斷壑不知其幾百里諸徭窟穴其中自開闢以來未有闢其藩者國初鄧申國用創業兵甫能定之其後馬恭襄葉文莊韓襄毅雖彈壓其間亦不能蕩平張

璉吳平事無訖已至。世宗朝諸徭召陽春山民耕而與浪賊黃德祥等四千餘人雄據南山轉相寇掠蔓延三朝不可撲滅前督撫殷石汀既討平惠潮上疏言賊當誅一時議者多掇禁舍之見會石汀入爲大司農首輔張江陵推轂大司馬凌雲翼請賜璽書屬凌去審定計畫計賊許留歲入帑金十一萬爲助瀕行江陵謂凌曰雖鞭之長不及馬腹卽今五指北三八寨諸徭雖乘間竊發然要當審所緩急耳凌旣至乃部署十道師號三十萬八道並進克木夷山推破諸峯峒五百六十有四俘斬四萬二千有奇拓地數百里置郡縣捷聞

定大婚
吉期

上賜齊有差

首輔張居正奏請

聖母裁定。大婚吉期。疏曰。臣等見欽天監題稱

皇。上大婚禮擇于十二月大利。然未定有年分。臣等恭照
祖宗列聖婚期。多在十六歲出幼之年。英宗皇帝九歲
登極。正統七年正月成婚。武宗皇帝十五歲登極。正德
元年八月成婚。世宗皇帝亦十五歲登極。嘉靖元年九
月成婚。皆在十六之年。今

皇上聖齡方在十五。中宮亦止十四歲。若待來年十二
月。則過選婚之期。一年有餘。于事體未便。若卽用今年十

二月則又太早矣。該監又稱一年之間止利十二月餘月。皆有礙。臣等竊惟帝王之禮與士庶人不同。凡時日禁忌。皆民間俗尚。然亦有不盡然者。臣素性愚昧。不信陰陽選擇之說。凡有舉動。只據事理之當。爲時勢之可爲者。卽爲之。未嘗拘泥時日。牽合趨避。然亦往往誤蒙天幸。勅獲吉利。况

皇上爲天地百神之主。一舉一動。皆將奉職而受事焉。又豈陰陽小術可得而拘禁耶。仰惟

兩宮聖母。旣已揀選賢淑作配。聖躬臣等亦豈不欲及早贊成嘉禮。以爲萬年嗣續之計。以慰日海仰望之心。但

如該監所言實未穩便適聞

聖母慈意亦欲候明年二三月萬物發生之時舉行大
禮仰惟

聖母睿見極其允當考之古禮皆以仲春會男女侑天之
咏見于風人今若定以春時則既有合于天地交泰萬物
化醇之意且當

皇上聖齡十六又率遵乎累朝列聖之規不遲不早最
爲協中夫婚姻大事人道所重然必待父母之命然後行之
言自天子以至于庶人一也今此大禮亦惟取裁于
聖母之一言耳仰頌 睿思再加斟酌定以明歲或取三

月春暖之時。或用四月清和之候。諭下臣等。傳示各衙門遵行。次日

上批欽天監本。朕奉

聖母慈諭。着于明年三月內。擇吉行禮。

世宗肅皇帝實錄成。命閣臣撰勅。加恩監修總裁等

官。

上奉

聖母慈旨。遣諭閣臣。以今歲大喜。暫免行刑。張居正覆奏曰。臣等仰惟

聖母慈悲。不殺之仁。

皇上將順好生之美，敢不仰承以廣德意。但查我祖宗舊制，凡官吏軍民人等犯該死罪，有決不待時者，有臨至秋後者。鞫問既明，悉依律處決。未有淹禁累年不行處斷者。至嘉靖末年，世宗皇帝以齊醮奉玄，始有暫免不決之令。或間從御筆所勾，量行處決。然此實近年姑息之弊，非我祖宗垂憲之典也。夫春生秋殺，天道所以運行。雨露雪霜，萬物因之發育。若一歲之間，有春生而無秋殺，有雨露而無雪霜，則歲功不成，而化理或滯矣。明王奉若天道，其刑賞予奪皆奉天意以行事。書云：「天命有德，五服五章哉。」天討有罪，五刑五用哉。」若素有德而不用，釋有

罪而不誅則刑賞失中。慘舒異用。非上天所以立君治民之意矣。臣等連日詳閱法司所開重犯招情。有殺祖父母父母者。有毆死親兄及同居尊屬者。有殺一家非死罪三人者。有強盜劫財殺人者。有闖段逞兇。登時打死人命者。據其所犯。皆絕滅天理。傷敗彝倫。仁人之所痛惡。覆載之所不容者。天欲誅之而

皇上顧欲釋之。其無乃違上天之意乎。康誥曰。惟迪。不于我政人得罪。天惟與我民彝。大濬亂曰。乃其速由文王作罰。刑茲無赦。言彼寇攘姦究。不孝不友之人。所犯至于如此。若爲政者。不加以刑。則天與我民之常道。將至于

況小而壞亂必須速依文正所作之法刑之而無赦。又
 王視民如傷。古所稱仁聖之主。而于此等之人亦必刑之。
 而無赦者。良以爲惡之人。彼自蹈于刑辟。雖欲生之而不
 可得也。且稂莠不鋤。嘉禾不茂。冤憤不泄。戾氣不消。今
 聖明獨見犯罪者。身被誅戮之可憫。而不知被彼所成害。
 者。皆含冤蓄憤于幽冥之中。明王聖主不爲之一泄。彼以
 其怨恨冤苦之氣。鬱而不散。上或蒸爲妖氛。稂之變。下
 或招致內荒疫癘之災。則其爲害又不止一人一家受其
 荼毒而已。獨奈何不忍于有罪之兇惡。而反忍于無辜之
 良善乎。其用仁亦舛矣。况此等之人。節經法司評審。九卿

大臣廷鞫皆已衆證明白輸服無辭縱使今年不決將來亦無生理不過遲延月日監斃牢獄耳然與其暗斃牢獄而人不及知何如明正典刑猶足以懲奸而伸法乎法令不行則犯者愈衆年復一年充滿圜牆費闢防又虧國典其于政體又大謬也伏願

皇上念上天之意不可違祖宗之法不可廢毋惑于浮屠之說毋流于姑息之愛奏上

聖母仍將各犯照常行刑以順天道若聖心不忍盡殺或仍照去年例容臣等揀其情罪尤重者計決數十人餘姑半回監候俟明年大婚吉典告成然後樂免一年則

春生秋殺。仁昭義肅。並行而不悖矣。

上九仍命照例行刑。

九月首輔張居正父訃音至。

帝手諭宣慰。仍遣官賜賻銀五百兩。紵絲十表裡。新紗一萬貫。白米二十石。香油二百斤。碎香二十斤。燭一百對。麻布五十疋。

兩宮太后亦賜賻儀與

帝同。各上表謝恩。

禮部題請居正父卹典奉

聖旨。與葬祭加祭五壇。

張居正乞恩守制不允

帝命司禮監差官一員同居正子嗣修馳驛歸督葬事完日卽迎毋來京侍養

居正上疏乞暫遵諭旨辭休守制頃允歸葬從之

十月朔彗星見斗牛間其尾指婺女長數十丈

天官書曰斗丞相之位彗出斗牛女主大臣移徙天子愁兵起天下受怨

大內火

杖編修吳中行檢討趙用賢刑部員外艾穆主事沈思孝復杖刑部觀政進士鄒元標

江陵丁憂奪情、吉服供事、編修吳中行上疏、奏爲因變
陳言、竭愚、求明大義、以植綱常、以隆治安事、頃者天象
示異、星變非常、聖心兢惕、復戒諭大小臣工、修省其
圖、消弭臣愚以草芥微軀、荷蒙皇上作養、洪造思效
涓埃之報、靡由也、且政事所當興革、有官守者能圖之
臣寮所當刺舉、有言責者能言之、非臣所宜與、亦非臣
所敢及也、第卽今日之大者要者爲皇上陳之、書曰
天視自我民視、天聽自我民聽、夫言天而必言民者、蓋
天人相通、感召有自、凡事必質諸人心而安、始揆諸天
意而順、天意順、然後天變可消也、元輔張居正乞歸守

制至再至三情辭俱窮矣而 皇上眷倚則殷慰勉特
至此豈惟明良相與稱 帝王之盛節而已哉仰惟
皇上以受遺顧命之臣而委心以任之大孝也爲 社
稷生靈以留之至仁也卽 帝王念茲釋茲之盛心奚
尚焉且事有輕有重重于國則輕于家人臣匹躬之義
也時有常有變通其變勿泥其常聖人達節之權也今
皇上之意豈不責之以義而欲其通之以權哉然而
是舉也萬古之綱常所繫四方之觀聽攸關正宜深籌長
顧必思所以處之當而求其安者臣聞之君之使臣也
以禮人之愛人也以德謂之禮非特接遇之文也必以

可以當矣

心相體焉。謂之德。非徒眷戀之私也。必以道相成焉。元輔夙夜在公。勤勞最久。謂父子相別十九年矣。則子之由壯至強。由強至艾。與其父之從衰得白。從白得老。音容相睽。彼此未覩。而今長逝于數千里之外。遂成永訣。乃又不得匍匐苦塊。一憑棺臨穴。其情有弗堪者。臣連日見其衰經之容。擗踊之狀。若以不得去爲悲哀者。人皆爲之酸楚。而皇上必欲其違心抑情。銜哀茹痛于廟廊之上。且責之以訏謨決策。謂元熙載焉。或者非其情也。臣聞之禮義由賢者出。皇上之特眷元輔者。不以其賢乎。域中之共仰元輔者。又不以其賢乎。賢者禮

義之宗也。矧位當天下之重任，則身繫海內之具瞻，必正已而後可以正百官，而後可以正萬民。其理有必然者。今皇上之所以必留，與元輔之所以不容不留者，其微權深意，非圓神通方者未可告語。彼還觀逃聽之夫，拘曲守常之士，人人然也。或因其不去之迹，而歸以不避之疑，安能家喻戶曉，而使之無里譁巷議乎？夫與情未快，華面無庸，而皇上尚欲其教化施政端範移風于海寓之間，且責人之趨令，遵教用彰下式焉。或者非其理也。元輔之爲賢輔也，其自信而對揚之言，惟曰聖賢道理，祖宗法度，其一二節，守之勿之有違。

焉耳。宰子短喪。孔子曰。子有三年之愛于其父。毋王
子請喪。孟子曰。雖加一日愈于已。然則終喪者。正聖賢
之訓也。而身自違之。必其所不忍也。國家令甲。丁憂
守制。二十七箇月爲滿。雖庸人小吏。匿喪有律。惟武弁
戎行。則墨衰從事。而未嘗以介冑之士。處輔弼之臣。卽
有往例。可稽。亦三年未終。而非一日不去之謂也。且當
時諍之後。世議之。乃內閣二輔臣首題之疏。方以計聞。
遂以例請。亦謬矣。至臺省諸諫官。乞留之疏。實爲鋒解。
尤昧成憲。抑又謬矣。然則奪情者。正非祖宗之法也。
而身自蹈之。必其所不敢也。以其所不忍。所不敢。而委

婉迂遲不得已爲辭俸之請又不得已俟大婚之期
臣竊有以諒其心焉君之于臣死生進退惟其命而無
所逃也夫皇上無俞允之命而屢瀆不止則尤有所
大不敢者禮意隆渥札諭詳懇相須其殷誠千載一遇
也夫皇上有殊絕之恩而求去必速則尤有所大不
忍者然則所望以卹其私情全其大節者亦惟在皇
上曲體而俯容之耳况卹一時之情正所以安其心而
責效于他日全一人之節正所以端其身而錫極于兆
民則皇上勉留之者固所以爲社稷爲生靈而臣
則謂皇上宜俯容之者亦所以爲社稷爲生靈也

皇上誠虛懷親賢、講學問理、日召見大臣、益明習國
家事、不以情欲漸開而懈心、生不以疆圉健寧而侈心
生、怠荒是戢、朝夕惟勤、將見聖德日盛、世道時雍、凡
元輔所深望者、皇上能終慰之、雖去猶不去也、於是
仍虛位以待、則計日可還、若有大政事、大謀議、或實封
上奏、或遣使就咨、不然、則容其給假營葬、竣事趨
朝、暫往過來、以副倚注、斯君恩親誼、下孝臣忠、一
舉兼得、萬世有辭矣、爰倫敘敘、風化大行、則人心安、天
意順、或亦弭災消變之道也、臣之進也、元輔之所舉也、
有師弟子之分焉、臣以爲苟有千慮一得之愚、所當吐

露而復以全軀保妻子之念奪之非事君不欺之忠亦
非事師無隱之義也臣豈不知臣之言上違聖意必
觸天威又豈不知臣之官典在筆札何爲隱默亦匪
康曠願不優游清華而敢于干犯雷霆哉然則非
垂勸戒亦史臣之職也與其記述于簡冊以彰穢示懲
孰若披陳于君父之前求今日無過求後世無遺
議也伏惟皇上寬斧鉞之誅賜芻蕘之啓而垂神俯
納焉元輔幸甚愚臣幸甚至明日論討趙用賢又上疏
奏爲星變陳言以維人紀以定國是以隆聖治事臣
聞天人相與之際微矣故人君欲求天心之格必求諸

人心之安何也。天不外乎理而已矣。人心之所安。卽天理之所合。故人君舉事一當於人心。則天由之以降康。一不當於人心。則天由之以示沴。其機兩渺而實有捷於桴鼓者。是不可不慎也。頃自天文示異。羣出西南。大內火警。變微屢出。皇上兢惕不遑下。勅臣工同加省懼。一時言事者籍籍。或以糾察大臣。或以修舉庶務。固犁然具矣。然臣猶以爲詳於小而未覩其大者也。臣請不避斧鉞之誅。爲陛下正言之。臣聞賤臣叩心而飛霜。賤女告天而風振。夫以一人一事之微。而猶足感動天變如此。況事在君相之交。而道屬倫理之重。

者乎頃者輔臣張居正以父憂請制䟽至再三而陛下
下留之至再四臣每讀其䟽輪誠寫哀情淚竭盡無可
復吐未嘗不爲之歎歔飲泣而獨不能以少回陛下
之聽陛下固以輔臣受先皇付託之寄繫社稷安
危之機有不可一日而失所倚者是至公之心也輔臣
至以稽首處塊銜哀茹痛而不能勉承於陛下勤懇
之命者亦至公之心也然臣以爲喪必三年自周公孔
子以來未之有改世儒之所講說民俗之所習安千百
年以來亦未之有改是非小節常禮之云也自後世乃
有以金革之事起其臣子衰絰之中此特權一時緩急

而有不得曲順其臣之私者、非先王之法也。臣自數日以來、見輔臣瘠毀禁立、形神摧敝、有識者臣竊憂之。臣私竊計輔臣之心、欲更有所請、則拂陛下挽留之意、欲遂聽陛下之留而不一往、則父子乖離之久、有抱恨於終天、而不容頃刻安者。夫輔臣能以君臣之義、效忠於數年、而陛下不能使其父子之情、少盡于一日、臣不知陛下何忍于此也。臣查得楊溥、李賢在。先朝時亦嘗起復、然溥先以省母還家、賢亦以回籍奉旨奪情、固未有不出都門而可謂之起復者也。且陛下所以不允輔臣之請者、豈非謂朝廷政令、賴以

參決四海人心賴以觀法乎今輔臣方資沉痛其精誠
之忱忽思慮之迫切必有不能如曩日之周且悉而四
海之遐聽風聲者又且以拘曲尋常之見疑之亦何以
如曩日之敬信而承服是輔臣之勛望積之以數年而
陛下顧敗之於一日臣又不知陛下何恐而爲此
也臣以爲輔臣之抱痛抑鬱而不得伸是爲干天和動
星象之大者莫甚于此矣陛下若庸調捕臣不使之
憂傷毀性則宜聽其所請暫還守制卽善不得已請如
先朝故事特勅禮官一員護送就道仍爲貴限赴
闕不得延悞如是則其父子音容之乖隔于十九年

者庶幾洩其痛于憑棺之一憤輔臣之心既可以少安天下之人心亦可以無疑而陛下所以處輔臣若臣父子之間者庶幾備道而無遺議矣然臣因是而感夫士氣之日靡國是之不明也大國家之設有臺諫所以爲紀法之司而任繩糾之寄者也固非謂其阿意順意而苟迎合合之爲已也今輔臣之與皇上主之亦既有成命矣焉用是嘵嘵者哉臣竊意其始之遲迴而不言是猶以經常之見其陛下之曲體乎輔臣而其既且言之而不置者不過逐影附聲以希寵要榮之念而幸陛下之一俞其請而已背公議而徇私情蔑至性

而倡異論皆斯言之啓矣。故今諸臣之所可自解者。獨
幸輔臣各行不至于大墮耳。脫不幸異日有不肖者乘
勢而竊位焉。亦將循故事而爲此附和乎。臣誠不知其
可也。臣以爲人紀之所以植。國是之所以定者。固不特
一時治安之計。而實萬世治安之計也。陛下不可不
審察于此矣。且陛下信輔臣之深。而留之篤。豈非以
在廷諸臣。本有稱陛下之任使。如輔臣者乎。然堯舜
不聞以五臣之共職。而替其知人之哲。文武不聞以十
亂之居。而墮其求賢之心。亦願陛下擇而用之。何
如耳。陛下誠于朝講之暇。悉心體采。自內閣講讀以

至部院大臣、非時召對、考之行以驗其心術之端、
之事以稽其才猷之通塞、使人人得以所長自見、當必
有如輔臣者、踵出于其間、以稱陛下之任使、如是則
輔臣卽去、猶之其留、陛下不至以孤注視輔臣、而輔
臣因是以獲推賢讓能之樂、顧不愈于以憂勞萃輔臣
之一身、使其乖父子之性而傷天地之和也哉、臣愚昧
莫測于天人之際、竊以爲當人心而合天心者、其事莫
大于此、敢昧死爲 皇上陳之、惟 聖明采納焉、臣不
勝隕越戰慄之至、刑部員外艾穆、主事沈思孝、合疏上、
皆言其忘親貪位、江陵大怒、時大宗伯馬公自強、曲爲

解江陵跪而以一手撫鬚曰公饒我公饒我掌院王學士錫爵徑造表次爲之求解江陵曰聖怒不可測學士曰卽聖怒亦爲老先生而怒語未訖江陵屈膝于地舉手索亦作刎頸狀曰爾殺我爾殺我學士大驚趨出十月二十一日四人同時受杖中行川既卽日舉出國門人不敢候視許文穆方以庶子充日講講玉杯一曰班班者何卞生淚英英者何蒲生氣追之琢之永成是以贈中行鐫犀杯一曰文羊一角其型沉翹不惜割心寧辭碎首黃流在中爲君子壽以贈川賢思孝復加鐐鎖且禁獄遲三日始食解發戍爲吏辛楚時卽元

樞觀政刑部。憤甚。視四人杖畢而跪。上越二日。受法。謫
成貴州都勻衛。時申文定爲掌詹侍郎。護持甚至。

伍袁萃曰。國家自開創已來。大臣多奪情起復。恬不
知怪。得羅一峰一疏。振已淪之名教。覺久昧之良心。此
大有關係文字。且只以綱常二字爲主。而反覆發明之。
親切確實。若鄒南阜疏。則入江陵他事。而大意亦與一
峯同。

出沒
錄

戶科給事中李涑疏言。大婚吉禮。首輔張居正有服制
不宜與執事。請乞改命。不允。

是年。會元馮夢禎以庶吉士告歸。既滿入京。時浙中庶

常凡四人沈自邠陸可教楊德政皆已留館故事一省
未有盡留者馮當補別署其座師蒲州張閣學鳳磐憂
之蓋張方恣睢其子居二甲馮遇之初無加禮張怒言
于父曰彼恃會元決留館故爾因盡留三人將以抑馮
并示諸詞臣意指也蒲州計無所出命馮且駐郊外俟
江陵有家慶過拜恭甚而微作邑邑狀江陵懼問故且
曰有心事所不足耶蒲州蹙額曰為馮子館事江陵憐
之口是會元還他編修蒲州悅飲盡惟方出次日入朝
補館職此與于文定公筆廔所述陸平泉留館亦籍座
主張龍湖頗相似要之分宜雖貪江陵雖復決不令會

元旣入館復爲他官彼視一編修只是本等官世蕃索
松綾之說亦未必真渠眼孔儘大希罕窮措大一絲能
湖具銀幣之說尤贅林旣留安川此止不用于先而今
乃作謝儀耶

出小品

戊寅 萬曆六年

兩學大錄

正月禮官請舉大婚 詔首輔張居正充納采問名使

聖母慈聖皇太后諭

恭錄

帝曰：爾婚禮將成，我當還本宮，凡爾動靜食息，俱不得如前時聞見訓教。爲此愛思爾一身，天地神人之主，所係非輕。爾務要萬分添養，節飲食，恤起居，依從老成人謙勸，不可溺愛，祗席任用匪人，以貽貽憂。這箇便可以祈天永命。雖虞舜人孝，不過如此。爾敬承之，勿違。

兩學大錄

上方行嘉禮，遼東大捷，巡撫都御史張學顏奏至，敘錄有加。先是黃台吉握勁兵，發家奴，索賜，委禽王台。王台涕泣

行冠禮

以來女黃台吉子一時言者謂王台陰陽不可知 朝廷
令邊將仍舊遇王台萬曆二年王台生致王杲獻 關下
斬賊一千有奇繼戰平虜獲級二百至是復犯遼河劈山
我兵出邊二百餘里追斬四百三十五級

上行冠禮賜輔臣張居正呂調陽張四維及講官申時行
正字馬繼文等銀幣各有差

三月 大婚禮成上

兩宮聖母徽號 仁聖皇太后加懿安 慈聖皇太后加

昭文

張居正請假歸葬 允之

江陵歸葬甫畢荆中兩道請閱操遂吉服上坐用總
督軍門禮花紅賞賚累賜百金

二司自謁吏部都察院庭參有跪至朝房私第及驛傳
遞送則惟長揖而已閣臣雖尊貴無跪禮江陵之奔喪
所經省分二司皆出數百里外以謁然跪者十之六七
暨還朝則先遣牌謂本閣部所經由二司相見俱遵照
見部禮于是遂無不屈膝者矣

馬自強進爲文淵閣大學士中時行進爲東閣大學士
遼東報捷斬敵四百七十有奇總兵李成梁副總兵陶承
賢副使程繼宗總督梁夢龍巡撫周詠本兵尚書方逢時

侍郎曾省吾、邵光先、補臣呂調陽、張四維、馬自強、申時行、
陸賁有差。

五月，張居正奉 旨還朝，召見于文華殿西室。

上問沿途經見稼穡何如，民生何如，邊事何如，居正具對
甚悉。

上大悅，賜休沐十日。

十二月，前少師高拱卒，命復其官，予祭葬。

宗藩事例，宗藩要例書成，頒示諸侯王，先是肅皇帝

時，公族繁盛，國用周竭，以故禮官所裁宗藩條例多刻
意抑損，甚或自相乖亂，不可訓，閣臣張居正、張四維、申時

行等念諸侯王皆骨肉至親而令至是不足以稱天子
親親至意乃略舉事例未要者十一事上言請勅禮官
集群臣議著爲憲令昭示諸侯王今大宗伯潘晟所定宗
藩事例徐公所定宗藩要例諸侯王旣感泣登視上而
薄厚親疎有體又不至重困民財足稱不刊矣

附閣臣疏曰竊惟宗藩一事條例最繁前後事體參差不
一似皆因時立法未能悉協于中至嘉靖四十四年該禮
部題覆言官建議始定爲宗藩條例一書頒布天下此時
禮官亦自以稽考累朝典制博采諸宗建白斟酌損益
旣殫厥心矣然以臣等愚見觀之揆諸事理尙多有未當

者、推原其意、徒以天潢支派浩繁、祿糧匱乏、國家之財力已竭、宗室之冒濫滋多、不得不曲爲隄防、嚴加裁抑、顧集議之始、未暇精詳、中間彼此矛盾、前後抵牾、或裁削太苛、有虧敦睦、或擬議不定、靡所適從、或一事而或予或奪、或一令而旋行旋止、或事與理外、空得難行、或法與情乖、輕重失當、徂使奸猾得以滋弊、有司無所持循、略舉數端、可知其累、如親王樂工二十七戶、乃高皇帝所定、載在會典、蓋以藩王體尊、其燕饗皆得用樂、不獨迎接、詔勅爲然、今乃樂從裁革、此減削大苛事例之未妥者也、又如親王故絕、既許爲之繼封、以重大宗、又云親第親任、方

爵封

房屋

墳塋

襲

婚

封

計請繼及查例行之後亦有不由親弟親侄而繼封者此擬議不定亦事例之未妥者也又如郡王初封者爵秩雖同然有帝孫王孫之異當視親疎以爲差等今房屋等項一概停給此親無隆殺亦事例之未妥者也又今文官三品以上皆得給與祭葬郡王體亞親藩乃身後墳塋槨從停給此恩卹太薄亦事例之未妥者也又如郡王故絕者不准襲封而以罪革奪者反得襲封將軍等未有子者許選繼室而親郡王未有子者乃反不許選繼擅婚庶人名糧止給五十石而罪宗庶人乃得七十餘石又歷世不減此恩紀失倫亦事例之未妥者也又如郡王與親王

故絕

法絕

法絕

法絕

同城仕居故絕者止以本等官職奉祀而另城郡王故絕者其子又得世授鎮國將軍此事同例異亦事例之未妥者也又如擅婚子女不定年限樂從查革有一府而至數百位者于法不可盡革不革則又廢法此釐革無序亦事例之未妥者也又如郡王故絕與以罪革降者事體原自不同其冊印亦當分別追繳今乃樂從繳奪此混施無別亦事例之未妥者也又如溫妾及花生傳生子女目請名目將保勘宗室通行革奪長史等官俱問發邊衛充軍及流官寄籍奏請選婚者革退另選將被選之人發邊衛充軍遇赦不宥此立法太嚴亦事例之未妥者也諸如此類

尚不可以悉數。夫令所以布信。數易則疑。法所以防奸。二三則玩。見今該部處置宗藩事情。悉用此爲準。因時救弊。似亦未爲大害。但欲勒成簡冊。昭示將來。則必考求國體。審察人情。上不虧展親睦族之仁。下不失酌盈濟虛之術。使情法允協。哀益適宜。乃足爲經常可久之規。垂萬世不刊之典。今觀其例議。實多未妥。臣等欲因仍紀載。則恐事理不順。有碍施行。欲徑從改易。則先皆題奉。欽依。今不敢以臆見。擅爲更定。合無勅下禮部。遵照前旨。將前項條例。再加斟酌。并累朝見行事例。係關宗藩者。悉行彙集。分類編錄。仍會同多官。議擬停當。上請聖裁。著

爲憲令。然後關送臣等。錄入會典。庶法以盡一而可守。全

以堅信而不移。懸諸日月。萬世無弊矣。出太岳奏議

少傅吏部尚書建極殿大學士呂調陽致仕。

巳卯 萬曆七年

所志

二月河工成先是淮安故有水患然所及僅一二縣至嘉靖中河決崔鎮呂泗冲龍窩周營等處往往奪淮流入海淮勢不敵則或決高家堰或決黃浦或決入淺淮楊諸郡悉爲巨浸河高出民屋上敗壞城郭田廬冢墓以萬數瀕河十郡治堤歲費且萬萬及其大決所殘無算又其從小河口白洋河挾永壩諸水越歸仁集直逼泗州則其患不獨在民且憂在陵寢矣異日者漕臣請開草灣夫水以海爲壑開草灣誠是矣然金城等處不足以分段水怒以數千里巨浸而獨今雲梯關當水衝此勢所不得爲者也

有請開膠萊河者有請開沕河者有請開衛河者有謂新集故道當棄者有謂朱家口等處決口當勿塞者有請鑿范堤者有請開新興塲牛團浦導射陽諸水入海者紛紛籍籍迄無定論大要以爲天子曰有事河而河且不可爲矣

上一日以問輔臣張居正中時行因進言故河道都御史潘季馴可使

上乃降聖書卽其家拜御史大夫使持節行治河一切假以便宜久任責成出帑藏及留所折科漕粟八十餘萬金不問出入又令諸臣得條上所見治其諸方命不及事

事者下詔徵勸治之于是當事者人人惴恐建官合河上
胼胝沾塗日夜焦勞蓋踰年而告成事爲土堤若干石堤
若干塞決口若干建減水閘若干計費不過五十餘萬省
羨金二十四萬以歸水衡今徐淮之間延袤八百餘里雨
堤相望蛇蟻綿亘殆如常山夾峙而河流其中且黃河以
歸仁堤勢不得南決其勢既不能及陵寢又高家堰旣
塞淮不能奔黃浦皆盡趨清口會黃河由安東雲梯關入
海田廬皆已盡出數十年棄地轉爲耕桑而河上萬艘得
捷于轉輸入大司農矣

出文忠
行實

終是裁簡鎮南堅錯求通貢堅錯者卽開化王荅賴刺麻

卷之三

也故號稱活佛以傳經說法戒淫殺為處所尊禮稱輪迴轉法功德世界佛大闡師萬曆五年套酋切蓋貴台吉約俺答迎堅錯西海上飲長生水俺答所從部落數十萬人徒以奉堅錯教無淫逞者其教化可知矣

詔更定時享祝文時太常寺卿溫純等送閣手本開稱

太廟時享原設九帝后冠服今祝文內稱五廟皇

祖考妣太皇太后皇高祖考憲宗純皇帝皇高祖妣

孝貞純皇后皇曾伯祖考孝宗敬皇帝皇曾伯祖妣

孝康敬皇后皇曾祖考睿宗獻皇帝皇曾祖妣慈孝

獻皇后皇伯祖考武宗毅皇帝皇伯祖妣孝靜毅皇

后。皇祖考世宗肅皇帝、皇祖妣孝潔肅皇后、皇考
穆宗莊皇帝、皇妣孝懿莊皇后、職等照得、憲廟而下
既備列、六帝后乃又加以、五廟則不止于九矣、今查
五廟內、實止、太祖、成祖、英宗三廟、該祭、而祝文則
多稱、二廟、于座位未合、似應改正、其歲暮、大禋、東壁
下配享、設壽春王以下共十五位神牌、按、帝系圖、壽春
王于、太祖爲伯、霍丘以下七王爲兄、實應以下七王爲
侄、自、英宗以來、相沿稱壽春及霍丘以下七王俱爲皇
高伯祖、實應以下七王爲皇曾伯祖、倫序既紊、且世次已
遠、不宜仍稱高曾伯祖、查親盡、帝后止稱徽號、今諸王

似因改稱本爵庶予名義爲協關臣張居正等奏議曰恭
照時享之制止于九廟太祖成祖百世不遷其
餘則以親序而祧廟不與焉查得先朝祝文弘治中
自憲宗而上稱八廟太皇太后嘉靖初自孝宗而
上稱六廟皇祖考妣太皇太后至孝烈皇后升祧
仁宗奉祧始稱五廟隆慶年間因而不改蓋其時世
宗新升之主卽孝烈舊祔之位世數猶未增也至我
皇上嗣統則世次異矣乃時享祝文自皇高祖憲宗
皇帝至皇考穆宗皇帝已備六廟之數而太祖
成祖英宗三廟猶仍五廟之稱揆之世數名義委屬

未受臣等竊惟孝莫大于尊祖禮莫嚴于假廟當

皇上躬親對越之頃正祖宗神靈陟降之時帝后尊稱不宜徑從簡略廟祫世次尤當序列分明合無比照歲暮大祫禮將時享祝文通列九廟帝后聖號以致如在之誠不必更稱五廟字樣其大祫配享壽春等王親屬已遠稱謂未妥宜將諸王神牌俱止稱本爵其皇高伯祖等稱盡行裁去庶得情禮之當合候命下容臣等另撰祝文進呈御覽祭下該寺并壽春等王神牌一體遵照改正從之

三月戶部進 御覽揭帖云伏查萬曆五年歲入四百三

十五萬、乃六年所入僅三百五十五萬、五年歲出三百四十九萬、而六年所出乃至三百八十八萬、夫歲出則浮于前歲、入則損于舊、此不可不知也、于是國臣因言王制量入爲出、計三年所入必積有一年之餘、而後可以待非常之事、無匱乏之虞、况財止有此數、設法巧取、不能增多、惟加意樽節、則其用自足、願

皇上以主計所上疏張便坐時時省覽。

鑄錢 四月 詔停鑄時

上方以賞賚缺資、命主計鑄大錢進、用京師小民多積嘉靖錢、訛言止行萬曆新錢、不行舊錢、人情甚以爲不

便且取外府之儲以充內庫失舊制矣。閣臣力請停銷。上命罷之。

工部都給事中王道成等奏言蘇松大水民投死不服請酌減織造段疋

聖諭云東南地方既有災傷這段疋等項准減半織造其支費銀兩着戶工二部措處毋得加派小民。

首輔張居正請蠲積逋以安民生疏曰竊聞致理之要惟在于安民安民之道在察其疾苦而已。邇年以來仰荷

聖慈軫念元元加意周卹查驛傳減徭編省冗員懲貪墨頃又特下明詔清丈田糧查革冒免海內所訴如獲更

生矣。然尚有一事爲民病者。帶徵錢糧是也。所謂帶徵者。將累年拖欠。搭配分數。與同見年錢糧。一併催徵也。夫百姓財力有限。卽年歲豐收。一年之所入。僅足以供當年之數。不幸遇荒歉之歲。父母凍餒。妻子流離。見年錢糧。尚不能辦。豈復有餘力完累歲之積逋哉。有司規避罪責。往往將見年所徵。那作帶徵之數。名爲完舊欠。實則減新收也。今歲之所減。卽爲明年之拖欠。見在之所欠。又是將來之帶徵。如此連年誅求。無已。胥軸空而民不堪命矣。况頭緒繁多。年分混雜。徵票四出。呼役咨至。愚民竭脂膏以供輸。未知結新舊之課。里胥指交納以欺瞞。適足增窘蹙之欲。

甚至不才官吏因而獵取侵漁者亦徃徃有之夫與其鼓
朴窮民浚其膏血以寔奸貪之囊橐孰若施曠蕩之恩
與小民而使其皆戴土之仁哉昨查戶部自隆慶元年起
至萬曆七年止各省直未完帶徵錢糧一百餘萬兵工二
部馬價料價等項不與焉而蘇松兩府拖欠至七十餘萬
蓋以彼處稅糧原重故逋負獨多其間固有豪右奸猾恃
頑不納者然窮民小戶力不能辦者亦有之而有司之令
但能行于小民不能行于豪右故催科之苦小民獨當之
昨該應天巡撫孫光祜具奏請蠲戶部以干係 國計未
敢擅便議覆臣等竊謂布德施惠當出自 朝廷若令地

方官請而得之。則恩歸于下。怨歸于上矣。臣等愚見。合無
特諭戶部。會同兵工二部。查萬曆七年以前。節年逋負幾
何。除金花銀兩。係供御用。例不議免外。其餘悉行蠲免。
止將見年正供之數。責令盡數完納。有仍前拖欠者。將管
粮官員。比舊例倍加降罰。夫以當年之所入。完當年之所
供。在百姓易于辦納。在有司易于催徵。閭閻免誅求之煩。
貪吏省侵漁之弊。是官民兩利也。況今考成法行。公私積
貯。頗有贏餘。即蠲此積逋于國賦。初無所損。而今膏澤
洽乎黎庶。頌聲溢于寰宇。民心固結。邦本輯寧。久安長治
之道。計無便于此者。奏

聖諭朕聞各處帶徵未完錢糧若累小民者戶部查節年
所欠幾何即今應否悉行蠲免止將見年正供之數勒限
完納還會同兵工二部一併議處來說

六月治河運同黃清卒贈卹有加清上饒人起吏員清勤
積官嘉興同知加四品服俸築海塘有功後以運同治高
寶河堤積勞死于寶應之寧國寺至不能殮生時伉直與
人言必自稱名至今嘉興人猶能言之

清在寶應築土石二堤支河工銀四萬餘兩鎔鉢磨箕
上下皆不得欺媚嫉之甚時已積勞得嘔血病水次謁
所司令人密促其板墜下救起死矣尋復甦掖入城凡

二日氣絕蓋萬曆七年六月初二日也年僅五十八奏聞有良工苦心難以名言之張管理海塘採石湖州朱月溪親受役見清徒步出入慰勞夫匠備極勤苦運石甲首自危酒勞之無絲毫他費人人感激府君部下一人逃爲盜事發逮捕獨移文昭雪得免即家立碑祀之後聞變致祭哭三日初不知何許人嘉興題名記亦不載蓋惡而削去之也後江右一士子談及始知爲上饒人今其子孫不知何如品出小

琉球一差最爲煩費嘉靖間給事中陳侃行人高澄之奉使也以壬辰夏五月其行也以甲午四月萬曆初年

給事中蕭崇業行人謝杰之奉使也以丙子九月其
行也以巳卯夏五月巨艦造作文移來往非經年不能
成桅木尤艱丁丑歲造成復破一造費可九千金官吏
從人廩餼不與焉及到國日有餽旬有問安月有筵宴
隨從四五百人淹留五六月糧食摘賞不可勝計故吾
學編有彼國遣陪臣至省城領封之說出小

是年王兀堂數掠新莫永莫寬莫諸堡無慮數十輩夷酋
佟馬兒章金等三百餘人不入市牧馬松子嶺聲言各堡
本住牧故境不與貢者候秋深葉落馳塞也亡何以五十
騎從林剛谷入我師追逐獲二級蓋先是七月開市寬莫

皇明御制金鑑卷三十一
參將徐國輔弟國臣及蒼頭軍劉佐等減價強鬻參、毆市
夷幾斃以故諸夷忿欲修郊巡撫都御史周詠等請按國
輔如法傳諭兀堂戢諸部然是後諸夷絕跡關市兀堂與
豪首趙鎖羅骨亦妄覲貢路有違言謫張遼塞矣

庚辰 萬曆八年

二月會試以禮部尚書兼文淵閣學士申時行掌詹事禮部侍郎余有丁充主試官取蕭良有等三百人

三月廷試賜進士張懋修蕭良有王庭譔等及第出身有差

是科品位最著者李汝華黃克縉張鴻臚衛一鳳劉元霖許弘綱楊鎰並尚書而顧憲成魏允中柯挺饒姜士昌蕭良有以文名

首輔張居正服除詔加太傅歲加祿米一百石進前所與錦衣正千戶世指揮僉事居正辭太傅從之

行耕藉田禮

首勅張居正乞休不允

設專官纂修會典以吏部左侍郎兼翰林院侍讀學士余
有丁暫解部事以本官仍管詹事府事詹事府詹事兼翰
林院侍讀學士許國協管府事俱充副總裁各暫停常轉
專在史館遵照勅諭事理將新舊原本細加考究另具
稿送閣中刪潤

十一月詔度民田先是高皇帝時天下土田八百五
十萬頃歲久偽滋編戶未民無所得在食其勢必易常產
令豪民得以爲姦以故田賦之弊孔百出而其大者曰飛

詭曰影射曰養號曰掛虛曰過都曰受獻久久相沿引爲
故業于是豪民有田無糧而窮民特以力薄莫可如何始
窮民受其病矣及縣官責收什一貧民鬻妻子不能輸納則其
勢不得不行攤派蓋自浮糧所在多有而天下盡受其病
天下嗟矣然民愁無聊亡逃山林轉爲盜賊則其勢又不得不請
減額今讀大明會典所載弘治十五年天下土田視高
皇帝時已減二十七萬蓋自所減額日以益多而國家又
受其病矣閩臣張居正欲行清丈以洗其弊時勞中丞奉
詔荒度閩田閩人以其爲便居正遂與次輔張四維申時行
大司徒張議請詔行諸路所在強宗豪民敢有撓法若

陳氏

潞城饒陽公族等者皆請下明詔切責以故天下奉行
惟謹凡莊田屯田民田職田養廉田蕩地牧地皆就疆理
無有隱奸蓋既不減額亦不益賦貧民不至獨困豪民不
能併兼又民間新所墾治皆賦其貢稅以新賦均舊額中
則國初故額得以減科民賦幸益以輕而天下吏民皆
冀幸有田以爲世業矣

陳氏

十二月首輔張居正等請敷陳謨烈以裨聖學疏曰
先該臣等面奏

皇上春秋鼎盛宜省覽章奏詳究治理于字書小學不
必求工以後日請簡賢凡進字容臣等將諸司題奏

緊要事情至 御前請解 面請裁決伏奉 俞旨臣等
欲遵舉行外但數月以來應奏事件與 日講之期多不
相值或係當行細務又不敢煩瀆 聖聰卽恭侍 講讀
須臾而畢拱默而退不得供奉 燕閒從容陳說雖欲竭
惓款之愚效獻替之益其道無由非臣等 面請奏事之
初意也頃奉 聖諭責臣等以盡心輔導臣等夙夜思惟
國所以仰承 德意啓沃 聖心竊以爲遠稽古訓不
若近事之可徵上嘉先王不如家法之易守昔伊尹周公
矢謨作誥操其大指不過兩言曰明言烈祖之成德曰親
揚文武之光烈而唐憲宗請貞觀政要竦慕不能釋卷宋

仁宗命侍臣讀三朝寶訓及祖宗聖政錄前史書之皆爲盛事良以堯堦如見自不忘繼志之思耳目既真又足爲持循之地守成業而致盛治莫要于此仰惟我二祖開創洪業列聖纂紹丕基奎章睿謨則載之寶訓神功駿烈則紀之實錄其意義精深規模弘遠樞機周慎品式詳明足以邁三五之登閣垂萬億之統緒此正近事之可徵家法之易守者也夫

皇上所踐者祖宗之寶位所臨者祖宗之臣民所撫馭者祖宗之輿圖所憑藉者祖宗之威德則今日之保泰持盈興化致理豈必他有所慕稱上古久遠之事哉

惟在

皇上監于成憲能自得師而已矣臣等謹屬儒臣將

累朝寶訓實錄刪本述一檢閱分類編摩總計四十

四十款

款曰創業艱難曰勵精圖治曰勤學曰敬天曰法祖曰保

民曰謹祭祀曰崇孝敬曰端好尚曰慎起居曰戒游佚曰

正宮闈曰教儲貳曰睦宗藩曰親賢臣曰去奸邪曰納諫

曰理財曰守法曰警戒曰務實曰正紀綱曰審官曰久任

曰重守令曰馭近習曰待外戚曰重農曰興教化曰明賞

罰曰信詔令曰謹名分曰却貢獻曰慎賞賚曰敦節儉曰

慎刑獄曰褒功德曰屏異端曰飭武備曰御夷狄雖管窺

蓋淵之見未究高深而修德致治之方亦已略備矣但簡
冊浩繁述難卒業容臣等次第纂輯陸續進呈擬俟明
歲開講以後每晨講既畢臣等恭請文華殿後講解
訓錄一二條相述大指如

皇上偶有疑難卽望而賜諮詢或臣等竊有見聞亦得
隨事獻納其諸司章疏有緊要者卽于講後而奏請
裁奪或有無不拘程限但使工夫接續時日從容自可以
開發聰明亦因以練習政事伏望

皇上留神聽覽並勉力行祝訓錄之在前如祖宗之
在上念念警惕事事率由且誦法有常糾謬無間卽燕

息深宮之日。猶出御講帷之時。則聖德愈進于高明。聖治益躋于光大。而臣等區區芹曝之忠。亦庶幾少效萬分之一矣。

朱平涵館于沈氏阡步之野。薄暮。覺五里外。洶洶人聲。如捕賊者。稍冥。聲益近。而厲如數千人水戰狀。大呼擊撞。主人懼。以小舟遁去。朱步墻外。火光四合。焰在樹端。與人聲振動大地。漸漸近在隔河。而墅之左右。竟不能逼。朱心知妖術。不爲動。夜半方熄。次日歸家。知澤中亦爾。蓋廣袤且百里矣。此妖術所爲。捕兵遇一舟。有人方剪紙人馬。僅寸許。擒送官治之。後不復作。

是年建夷王兀堂連犯發陽寬莫已復入犯永茂堡我師
御敵追奔出塞可二百餘里至鴨兒河得虜級七百五十
四捷聞會

上春祀併敘紅上城功督臣梁夢龍撫臣周詠及大將軍
李成梁各陞賞如格成梁子世伯爵已而兀堂復以千騎
從林剛谷入副總兵姚大節追奔至葛祿寨獲六十七級
爾後兀堂等並遁伏建州部益弱矣

建州考

辛巳

萬曆九年

入世
正月首輔張居正請令翰林院官分番入直應和文章或
令侍

上清讌質問經義陳說治理如唐宋故事其疏曰臣等伏
觀

皇上近日以來留神翰墨一切嬉游無益之事悉屏去不
御仰惟聖學該洽睿志清明不勝慶忭夫人主一心
乃萬化從出之原亦衆欲交攻之會必使常有所繫弗納
于邪然後縱逸之念不萌而引誘之奸不入故雖筆札小
技非君德治道所關而燕閒游息之時藉以調適性情收

鐵心志亦不忤于孔氏游藝博文之旨。比之珍奇玩好馳騁放佚之娛。則相去遠甚。未必非

皇上進德養心之一助也。但竊見前代好文之主。皆有文學之臣。載筆操觚。奉侍清燕。如唐有李元稹。宋有王禹偁。明有李夢陽。清有袁枚。如唐有李元稹。宋有王禹偁。明有李夢陽。清有袁枚。待詔之員。未有秘閣待制二館著作。或承詔登答。或應制賡酬。皆于語言文字之中。微寓風勸箴規之益。卽今之翰林官是也。國朝建置翰林。于一榜進士中。拔其英雋特異者。除授此官。固欲儲養德望。以備啟沃。任樞機。然文史詞翰。撰述討論。亦其本等職務。

皇上卽有任使。不必他求。如自講諸臣。皆文學優贍。臣

等慎選以充見今記注起居日還在館供事外其餘見任翰林各官亦皆需次待用者臣等擬令分番入直每日輪該四員與同日講官在館祇候

皇上萬幾之暇如披閱古文欲有所採錄鑒賞名筆欲有所題詠卽以屬之諸臣令其擬具草藁送臣等看定然後繕寫進呈聖覽或不時召至御前而賜質問令其發摠蘊抱各見所長因以觀其才品之高下他日量能擢才自可斷于聖衷且諸臣因此亦將自慶遭逢益固稱塞爭相淬勵以求見知于上其于聖明辨材審官之道亦默寓于中矣

文忠奏草

武義孝子王世名。父仇赴官請死。當事欲全之。孝子不忍廢。朝廷法不食死。世人悲之。吳邑孝廉張以翼爲之立傳。

傳

孝子諱世名。婺武義人也。年十七時。父良爲族姪俊以爭屋毆死。孝子恐殘父屍。不忍就埋。乃俾聽其輸田議和。凡田所入。輒易價封識。俊有所僞。亦俾受之。雖鎔鉢固有。不計值。封識者私給父像。自像帶劍侍。惡客至。朝夕泣拜。購一外銘之報。誓字。毋妄不知也。暇閱遊書。不專事舉子業。惟手書忠孝格言。一編似之。已而已。子甫數月。撫之謂。

好邑令

俗吏

母妻曰。吾已有後。可以死矣。母妻亦不知所謂也。一日。後
飲於其鄉。醉歸。孝子乃迎而揮其所購。亦立碑其首。以報
讐。故號於衆。歸以白其母。遂出其所向封識。租價餽值。及
宿購首狀。赴邑請死。時萬曆九年正月也。去父歿之日。六
年于茲矣。邑陳令驗所封識。訪之士民。知報父讐。是實。乃
曰。此孝子也。不可令對獄。卒別館之上。其事當道。當道委
金華汪令。往訊之。孝子曰。復何言。吾事畢矣。只欠一死。汪
曰。檢若父屍有傷。子未應得死。孝子曰。吾忍痛六年。始發
者。爲何不忍殘父屍也。以吾命抵讐命。奚檢爲。遂具呈懇
乞放歸故里。拜父辭屍。撫子囑妻。絕吭柩前。獻屍臺下。汪

父之有傷
有隙可於
有行之人
可証而
今孝子以
不忍檢父
受死即無
而功而今
致是可恨
可恨○前

憐之遂移文請於郡言世名宿抱父冤潛懷壯志強顏與
讐同室矢志終不共天封買和之貲不遺錙銖請報讐之
罪懸之繪像就理恐殘父屍卽死慮絕親後歲序屢遷剛
腸愈烈及甫生男一歲謂可從父九原遂揮刃於讐人其
投身於法吏驗父若果有傷擅殺應從末減但世名誓不
毀父屍以生惟求卽父柩而死一檢則世名且自盡是世
名不檢固死檢亦死也捐生忼慨既難卒保其身而就義
從容是宜曲成其志今無放歸故里聽其自裁當道可其
議孝子遂得歸歸之日注囑之曰子行吾且來子無卽死
吾終不惜爾父既朽之骨而不以全爾孝子仍以死自誓

捐家財其
事九月
得免元
死或謂
事者為
法之神
此徒狗
之透耳
不為之
去不既
成
服六年
心謂何
下有此
人
乃今而
能生一
子可也

誓不欲檢汪喟然曰浮生有涯令名無已孝子正色曰豈
謂名哉理固常如是其毋迎而泣孝子曰身因父之遺也
以父之遺為父死雖離母得從父矣復何憾謂妻曰善事
若姑善撫若子餘無言見武義陳令陳仍館之前館囑守
者曰無令孝子死迨汪至武義邑人迎而直孝子者千人
汪遂令舁其父棺至孝子聞之大慟遂以頭觸地守者持
之不得死明日邑諸生翼而見汪孝子望見父棺即以頭
觸堦石血噴如雨地為之赤諸生相持大號陳汪二令亦
不忍視為之泣數行下諸生請從孝子志汪乃舁其父棺
去遺文而弔之孝子少甦即求至灘視父棺為一再慟望

知之既
苦欲抱

天人之
知此則
不可不
法者謂

天意如
孝子則
風雷矣

第扶棺登舟久之乃返汪所在曰去矣讀所遺文曰汪君
知我哉陳令又欲自于上免檢其父以全孝子孝子曰此
非法也非法無君何以生爲遂不食而死死之日雲霧昏
慘烈風迅雷大雨如注迎屍歸始開霽焉遠近奔哭者載
道嗟乎殺人者死律也人命是虛行財是實亦律也彼買
和葬脏具在可以坐俊殺良之罪可以挽世名抵命之條
何必檢厥父屍以傷孝子心哉豈當事諸賢急於全孝子
反亂其方寸而慮不及此哉抑天意不惜孝子一死以遂
其志以教民孝也夫桓公復九世之讐春秋大之人有殺
夏惇師者惇殺之以報讐而卒免於罪報師讐且爾况報

父讐乎故徐元慶之復父讐而自囚請官也識者以陳子
昂之議爲非而以柳宗元之駁爲是良有以也且孝子身
抱父痛日接父讐含忍六年而圭角不露是荆軻之不能
忍於易水留侯之不能忍於博浪亭子能忍之其智足多
也至手刃父讐視死如歸雖鼎烹政死韓崔嬰死趙何以加
此可不謂勇乎而又不欲以一死易三尺法第令當官守
法雖憂國未公之祭遵亦不過如此蓋孝而能忠矣使其
不然而登之清朝必能運籌必能折檻必能死綬必能食
一必能爲鐵方伯爲景山丞爲于肅愍豈獨一郡一邑之
所表見已哉予不惜孝子之死而獨惜諸賢不得盡其生

孝子之心是爲之傳

四月十八日、上御文華殿講讀、有頃、輔臣張居正等入、至後殿講、訓錄畢、以南科給事中傅作舟疏進、覽張居正奏云、今江北淮鳳及江南蘇松等府、連被災傷、民多乏食、徐宿之間、至以樹皮充饑、或相聚爲盜、大有可愛、上曰、淮鳳頻年告災、何也、居正奏云、此地從來多荒、少熟、卽如、訓錄中所載元末之亂、亦起于此、今當大浹、常格、急賑賑濟以安之、臣等擬令戶部、議處動支、各該州縣、庫銀倉穀不足、則南京見貯銀米、儘有贏餘、可以協濟、民惟、邦本、願特加、聖心、

上 俞允

聖諭云。朕近來每視朝。見百官穿雜色衣服。繫雜色帶。都不按品級。又行禮之際。咳嗽吐痰。大非臣禮。着鴻臚寺傳示百官。今後再有這等的。着該科并鴻臚寺指名參奏。上躬行大閱。首輔張居正撰頌詞一首。詩歌一章。并繪圖進獻。

首輔張居正請乞優禮者。頌以光 聖治。疏曰。臣等伏覩先年 恩詔一款。大臣二品以上。致仕在家。年及八十者。有司存問。九十以上者。遣官存問。此舊例也。至于輔弼大臣。尚德俱尊。勞績茂著者。又與他官不同。如嘉靖年間。致

仕大學士謝遷、王鏊皆七十以上，毛紀、賈誼皆八十俱薨。
特恩遣官存問。是先朝優崇輔弼尊禮耆舊，亦有不拘常
例者。臣等看得原任少師大學士徐階當世宗時承嚴
氏亂政之後，能矯枉以正，澄濁爲清，懲貪還以安民生，定
經制以核邊費，扶植公論，獎引才賢，一時朝政修明，官常
振肅，海宇稱爲治平，皆其力也。是時先帝潛居藩邸，
世廟一日忽有疑于先帝，命檢成祖之于仁宗故
事，階爲之從容譬解其疑，乃釋。此一事惟臣居正一人知
之，諸臣皆不得聞也。及先帝嗣登大寶，階時爲翼戴首
臣。

皇上正位東宮。又嘗預冊立大議。先後勞績。皆不可泯。今致仕家居。年已八十。其年壽與毛紀等相同。而位望勳庸。抑又過之。所有存問一節。似應特從優厚。以彰盛典。如蒙

皇上俯念階爲先朝元輔。當代舊人。特勅該部查照嘉靖年間事例。差行人一員。賞勅前去存問。仍量加賞賚。用示優崇。一以昭

皇上尊禮耆宿。褒叙忠賢之美。一以見巖居之下。有天壽平格之臣。皆太平之盛事也。

玄兔圖 宣皇帝御筆也。圖以淡墨微闡其傷。似碧空

滿月上有丹桂花子垂垂下有瑞草作紫白色兔居中
間毳毛纖澤意態安閒真是神物蓋宣皇帝文武全
才游戲丹青並臻妙境遠在唐太宗之上萬曆九年

上御文華殿宣召入直史臣王家屏沈懋學張元忭劉元
震鄧以讚入見取圖示之令賦詩復命曰軸臣以下皆
可賦親書于軸並得自用圖記越三日詩成自大學士
張居正而下三十五人進御

上覽之甚喜常熟趙固圖其副勒之石真熙朝之盛事

也出小

中事袁某狂誕爲江陵所喜監兌浙中盛儀從呼叱同

知以下無所顧忌一州守稍與抗至欲與杖太守解之
而止視二司茂如也人皆惡之省下山與巡撫吳善言
相值不引避巡撫箠其隸人起奪之不可得大罵被髮
而走隨輿衝至柵門拉之仆地吾郡董宗伯在杭城爲
之調解未幾告歸墮水死

出小品

皇明從信錄卷三十四

皇明從信錄

卷三十四

本古